

五

程

詩紀目錄

隋一

卷之一
百二十一

文帝

宴秦孝王於并州作

煬帝

飲馬長城窟行示從征群臣

白馬篇

步虛詞二首

春江花月夜二首

諸葛穎附

錦石擣流黃二首

喜春遊歌二首

江都宮樂歌

泛龍舟

四時白紵歌二首

虞茂和

東宮春

江都夏

紀遼東二首

王胄和

冬至乾陽殿受朝

牛弘

許善心詩附

雲中受突厥主朝宴

席賦

宴東堂

賜史祥

賜牛弘

賜諸葛穎

早渡淮

諸葛穎 蔡名恭 弘執

恭 虞世南詩附

臨渭源

薛道衡和

還京師

許善心和

捨舟登陸示慧日道

場玉清玄壇德衆一首

謁方山靈巖寺

諸葛穎和

月夜觀星

諸葛穎 南詩益附

表慶

蕭琮

虞世

季秋觀海

望海

虞茂和

詠鷹

獻歲讌宮臣

虞世南

正月十五日於通衢建燈夜升南樓

諸葛穎和

晚春

悲秋

冬夜

夏日臨江

北鄉古松樹

附錄

賜守宮女

持檝篇

贈張麗華

憶韓俊娥二首

嘲羅羅

效劉孝綽雜憶詩二

首

幸江都作

鳳船歌

迷樓宮人歌 煬帝自
歌附

望江南

自傷 侯夫人

妝成

自遣

自感三首

看梅二首

謝賜合歡果

吳絳仙

應詔嘲司花女

虞世
南

隋二

卷之一
一百一

越王侗

京洛行

蕭岑

權歌行

王通

東征歌

姚察

遊明慶寺悵然懷古

賦得笛

李德林

相逢狹路間

從駕巡遊

從駕還京

夏日

入山

詠松樹

楊素

出塞二首

山齋獨坐贈薛內史

二首

薛道衡和

贈薛內史

薛道衡答詩附

贈薛播州十四首

何妥

門有車馬客行

入塞

長安道

昭君詞

奉勅於太常寺修正古樂

樂部曹觀樂

劉臻

河邊枯樹

賀若弼

遺源雄

史萬歲

石城山

隋三

卷之一百二十二

盧思道

有所思

日出東南隅行

懼歌行

美女篇

升天行

神仙篇

河曲遊

城南隅讌

蜀國弦

採蓮曲

從軍行

駕出園丘

贈李若

贈別司馬幼之南聘

贈劉儀同西聘

遊梁城

從駕經大慈照寺

春夕行經留侯墓

上巳禊飲

夜聞隣妓

賦得珠簾

彭城王挽歌

樂平長公主挽歌

後園宴

聽鳴蟬篇

李孝貞

巫山高

鳴雁行

奉和從叔光祿愔元日早朝

聽百舌鳥

酬蕭侍中春園聽妓

園中雜詠橘樹

隋四

卷之一百二十三

薛道衡

出塞二首

昭君辭

昔昔鹽

豫章行

從駕幸晉陽

奉和月夜聽軍樂應

詔

奉和臨涓源應詔

秋日遊昆明池

敬酬楊僕射山齋獨

坐

重酬楊僕射山亭

入郴江

渡北河

和許給事善心戲場轉韻

展敬上鳳林寺

從駕天池應詔

梅夏應教

人日思歸

夏晚

歲窮應教

詠苔紙

魏澹

初夏應詔

詠階前萱草

詠石榴

園樹有巢鵲戲以詠

之

詠桐

辛德源

短歌行

白馬篇

霹靂引

倚蘭操

成連

芙蓉花

浮游花

東飛伯勞歌

星名

柳詒

奉和晚日楊子江應制

奉和晚日楊子江應教

奉和春日臨渭水應令

詠死牛

陽春歌

許善心

奉和賜詩

奉和還京師

於太常寺聽陳國蔡子元所校正聲樂

奉和冬至乾陽殿受朝應詔

隋五

卷之一百二十四

崔仲方

奉和周趙王詠石 小山

夜作巫山

于仲文

侍宴東宮應令 荅譙王

虞世基

出塞二首 奉和幸江都應詔

汴水早發應令 秋日贈王中舍

在南接北使 初渡江

零落桐 晚飛鳥

賦得戲燕俱宿

虞茂

奉和望海 賦昆明池一物得織

女石 賦得石

衡陽王齋閣奏妓 奉和幸太原輦上作

應詔 入關

四時白紵歌二首

江都夏 長安秋

虞世南

奉和月夜觀星應令

奉和至壽春應令

追從鑾輿夕頓戲下應令

奉和幸江都應詔 奉和獻歲讌宮臣

奉和出潁至淮應令

虞綽

於婺州被囚

隋六

卷之一百二十五

諸葛穎

奉和月夜觀星

奉和方山靈巖寺應

教

奉和出潁至淮應令

奉和通衢建燈應教

賦得微雨東來應教

言糸
目錄
九
春江花月夜

孫萬壽

遠戍江南寄京邑親友

答楊世子

別贈

和張丞奉詔於江都望京口

和周記室遊舊京

行經舊國

庭前枯樹

早發揚州還望鄉邑

東歸在路率爾成詠

王脊

七夕二首

王胄

白馬篇

西園遊上才

棗下何慕慕二首

燉煌樂二首

紀遼東二首

奉和賜舖

奉和悲秋應令

言反江陽寓目灞浹

贈易州陸司馬

酬陸常侍

答賀屬

臥疾閩越述淨名意

別周記室

賦得雁送周員外戍

言
目錄
嶺表

爲寒林婦贈夫

雨晴

隋七

卷之一百
二十六

徐儀

暮秋望月示學士各釋愁應教

庾自直

初發東都應詔

元行恭

秋遊昆明池

過故宅

尹式

送晉熙公別

別宋常侍

劉斌

和謁孔子廟

和許給事傷牛尚書

送劉員外同賦陳思王詩得好鳥鳴高枝

詠山

孔德紹

南隱遊泉山

行經太華

夜宿荒村

王澤嶺遭洪水

登白馬山護明寺
送舍利宿定晉巖

觀太常奏新樂
卜斌和

賦得涉江采芙蓉
賦得華亭鶴

送蔡君知入蜀二首

孔紹安

結客少年場行
傷顧學士

別徐永元秀才
應詔詠天桃

石榴
落葉

贈蔡君

岑德潤

雞鳴篇
賦得臨階危石

詠灰
詠魚

陳子良

上之回
新成安樂宮

春晚看群公朝還人爲八韻

讚德上越國公楊素

夏晚尋于政世置酒賦韻

入蜀秋夜宿江渚
賦得妓

送別

七夕看新婦隔巷停

車

詠春雪

於塞北春日思歸

陳良

遊俠篇

庾抱

驄馬

臥病喜霽開扉望月簡宮內知友

別蔡參軍

賦得胥臺露

和樂記室憶江水

表朗

和洗掾登城南坂望京邑

秋日應詔

秋夜獨坐

崔信明

送金敬陵入蜀

明餘慶

從軍行

詠死鳥

柳莊

劉生

杜公瞻

詠同心芙蓉

杜之松

敬和衛尉于卿詠柳

王衡

靚雪

宿郊外曉作

薛德音

悼亾

李密

淮陽感秋

隋八

卷之一百二十七

李巨仁

釣竿篇

京洛篇

登名山篇

賦得方塘含白水

賦得鏡

弘執恭

劉生

奉和出潁至淮應令

言系
目録
和平涼公觀趙郡王妓

秋池一株蓮

王由禮

驄馬

賦得馬援

賦得巖穴無結構

賦得高柳鳴蟬

魯范

神仙篇

送別

殺英童

採蓮曲

胡師耽

登終南山擬古

陳政

贈竇蔡二記室入蜀

周若水

答江學士協

薛昉

巢王座韻得餘詩

劉端

言
和初春宴東堂應令

段君彥

過故鄴

李那

奉和重適陽關

呂讓

和入京

沈君道

侍皇太子宴應令

魯本

與胡師耽同繫胡州出被刑獄中

劉夢予

送別秦王學士江益

陸季覽

詠桐

鄭蜀賓

別詩

王謨

言系
目錄
東海懸崖題詩

乙支文德

遺于仲文

隋九

卷之一百二十八

僧法宣

愛妾換馬

和趙郡王觀妓應教

釋慧淨

和琳法師初春法集之作

和盧贊府遊紀國道場

於冬日普光寺臥疾值雪簡諸舊遊

英才言聚賦得昇天行

雜言

釋智炫

遊三學山

釋曇遷

緇素知友祖道新林去留哀感賦詩一首

釋玄達

言離廣府還望桂林去留愴然自述贈懷

戲擬四愁聊題兩絕

釋靈裕

臨終詩二首

哀速終

悲永殯

釋智命

臨終詩

釋智才

送別

曇延

戲題方圓動靜四字

沸太

姪洸曲

委靡辭

釋慧輪

悼歎

釋慧英

一三五七九言

無名釋

生忍頌

順益頌

言
禪暇

大義公主

書屏風

丁六娘

十索四首

同前二首

李月素

贈情人

羅愛愛

閨思

秦玉鸞

憶情人

蘇蟬翼

因故人歸作

張碧蘭

寄阮郎

隋十 卷之一百二十九

郊廟歌辭 牛弘等奉詔作

園丘歌八首

昭夏

皇夏

登歌

誠夏

文舞

需夏

武舞

昭夏

五郊歌五首

青帝歌角音

赤帝歌徵音

黃帝歌宮音

白帝歌商音

黑帝歌羽音

感帝歌

誠夏

雩祭歌

誠夏

蜡祭歌

誠夏

朝日夕月歌二首

朝日誠夏

夕月誠夏

方丘歌四首

昭夏

登歌

誠夏

昭夏

神州歌

誠夏

社稷歌四首

春祈社誠夏

春祈稷誠夏

秋報社誠夏

秋報稷誠夏

先農歌

誠夏

先聖先師歌

誠夏

太廟樂歌九首

迎神歌

登歌

俎入歌

皇高祖太原府君

神室歌

皇曾祖康王神室

歌

皇祖獻王神室歌

皇考太祖武元皇帝神室歌

飲福酒歌

送神歌

燕射歌辭

言糸
目錄
元會大饗歌十一首

皇夏

肆夏

食舉歌

八曲

上壽歌

宴群臣登歌

皇后房內歌

大射登歌

鼓吹曲辭

凱樂歌辭三首

述帝德

述諸軍用命

述天下太平

舞曲歌辭

文武舞歌二首

文舞歌

武舞歌

雜歌謠辭

無名氏

枯樹歌

長白山歌

煬帝時并州童謠

大業中童謠

長安謠

樊安定歌

崔李歌

送別詩

挽舟者歌

隋十一

卷之一
百三十一

樂府失載名氏

陌上桑

出塞

王昭君

陽春曲

項王歌

于闐採花

沐浴子

澤雉

夜夜曲

舍利佛

摩多樓子

雞鳴歌

黃門倡歌

歎疆場

塞姑

回紇曲

詩紀目錄

終

目錄

三

詩紀卷之一百二十

北海馮惟訥彙編

隋一

文帝

姓楊氏諱堅弘農郡華陰人也仕周以勳封隋國公女為宣帝后累拜上柱國大司馬靜帝幼冲堅以元舅總朝政封隋王尋篡周自立及平陳後南北混一海內敦富號稱太平在位二十四年

宴秦孝王于并州作

隋書本紀曰開皇十年高祖幸并州宴秦孝王子相帝為四言詩明年而子相卒十八年而秦孝王薨

詩經 卷之一
紅顏詎幾玉貌須臾一朝花落白髮難除明年後
歲誰有誰無

煬帝

諱廣隋文皇第二子開皇元年立為晉王後以陰謀廢奪太子勇得立為太子又五年弑父自立在位十二年荒淫暴虐下不堪命為宇文化及所弑○隋書文苑傳序曰煬帝初習藝文有非輕側之論暨乎即位一變其體與越公書建東都詔冬至受朝詩及擬飲馬長城窟並存雅體歸於典制雖意在驕淫而詞無浮蕩故當時綴文之士遂得依而取正焉所謂能言者未必能行蓋亦君子不以人廢言也

樂府

飲馬長城窟行示從征羣臣

以下五言

肅肅秋風起悠悠行萬里萬里何所行橫漠築長城豈台小子智先聖之所營樹茲萬世策安此億兆生詎敢憚焦思高枕於上京北河乘一作兩河執武節千里捲戎旌山川互出沒原野窮超忽擬金止行陣鳴鼓興士卒千乘萬騎動飲馬長城窟秋昏塞外雲霧暗關山月緣巖驛馬上乘空烽火發借問長城候單于入朝謁濁氣靜天山晨光照高闕釋兵仍振旅要荒事方舉飲至告言旋功歸清廟前

白馬篇

文苑英華作煬帝樂府作孔稚圭按詩中多叙征遼之事當以英華

爲正雅圭別有二篇

白馬金貝裝橫行遼水傍問是誰家子宿衛羽林
郎文犀六屬鎧寶劍七星光山虛弓響徹地迴角
聲長宛河推勇氣隴蜀擅威強輪臺受降虜高闕
翦名王射熊入飛觀校獵下長楊英名欺衛霍智
策蔑平良島夷時失禮卉服犯邊疆徵兵集薊北
輕騎出漁陽進軍隨日暈挑戰逐星芒陣移龍勢
動營開虎翼張衝冠入死地攘臂越金湯塵飛戰
鼓急風交征旆揚轉鬪平蕪地追奔掃鬼方本持
身許國况復武功彰會令千載後流譽滿旂常

步虛詞二首

洞府疑玄液靈山體自然俯臨滄海島回出大羅
天八行分寶樹十丈散芳蓮懸居燭日月天步役
風煙躡記書金簡乘空誦玉篇冠法二儀立珮帶
五星連瓊軒解甘露瑜井挹膏泉南巢息雲馬東
海戲桑田回旗遊八極飛輪入九玄高蹈虛無外
天地乃齊年

言
總轡行無極相推凌太虛翠霞承鳳輦碧霧翼龍
輿輕舉金臺上高會玉林墟朝遊度圓海夕宴下
方諸

風
春江花月夜二首

晉書樂志曰春江花月夜玉樹後庭花并陳後主所作後主常與宮中女學士及朝臣相和為詩太常令何胥又善於文詠採其尤艷麗者以為此曲

暮江平不動春花滿正開流波將月去潮水帶

玉臺
作
共
星來

夜露含花氣春潭漾月暉漢水逢遊女湘川值兩

妃

早夏
同前

張帆渡柳浦結纜隱梅洲月色含江樹花影覆

船樓

錦石擣流黃二首

漢使出燕然愁閨夜不眠易製殘燈下鳴砧秋月

前

今夜長城下雲昏月應暗誰見倡樓前心悲不成

慘

詩
卷之十一
隋

喜春遊歌二首

禁苑百花新佳期遊上春輕身趙皇后歌曲李夫

人

步緩知無力臉曼動餘嬌錦袖淮南舞寶袜楚宮

腰

袜女人脇衣也崔豹古今註謂之腰綵註引左傳袒服謂日日近身衣也

江都宮樂歌

以下七言

揚州舊處可淹留臺榭高明復好遊風亭芳樹迎
早夏長臯麥隴送餘秋淥潭桂檝浮青雀果下金
鞍躍紫騮綠觴素蟻流霞飲長袖清歌樂戲州

選詩

拾遺云據此詩隋時七言律體已具不始於唐也

泛龍舟

唐書樂志曰泛龍舟隋煬帝江都宮作

舳艫千里泛歸舟言旋舊鎮下揚州借問揚州在
何處淮南江北海西頭六轡聊停御百丈暫罷開
山歌棹謳詎似江東掌間地獨自稱言鑑裏遊
四時白紵歌二首

東宮春

洛陽城邊白日暉天淵池前春燕歸含露桃花開

詩經 卷之一
未飛臨風楊柳自依依
小苑花紅洛水綠
清歌宛轉繁絃促
長袖逶迤動珠玉
千年萬歲陽春曲

四江都夏 二首

黃梅雨細麥秋輕
楓樹蕭蕭江水平
飛樓綺觀軒若驚
花簾羅幃當夜清
菱潭落日雙鳧舫
綠水紅粧兩搖漾
還似扶桑碧海上
誰一作肯空歌採蓮

唱

同前二首

虞茂

江都夏

長洲茂苑朝夕池
映日含風結細漪
坐當伏檻紅蓮披
雕軒洞戶青蘋吹
輕幌芳煙鬱金馥
綺簷花簾桃李枝
蘭茗翡翠但相逐
桂樹鴛鴦恒並宿

長安秋

露寒臺前曉露清
昆明池水秋色明
搖環動珮出層城
鳴弦鳳管奏新聲
上林蒲桃合縹緲
甘泉奇樹上葱青
玉人當歌理清曲
婕妤恩情斷還續

紀遼東二首

雜言

隋書曰大業八年煬帝伐高麗度遼水大戰於東岸擊賊破之進圍遼東

遼東海北翦長鯨風雲萬里清方當銷鋒散馬牛
旋師宴鎬京前歌後舞振軍威飲至解戎衣判不
徒行萬里去空道五原歸

秉旄仗節定遼東俘馘變夷風清歌凱捷九都水
歸宴雒陽宮策功行賞不淹留全軍藉智謀詎似
南宮複道上先封雍齒侯

同前二首

王胄

遼東涓水專龔行俯拾信神兵欲知振旅旋歸
樂爲聽凱歌聲十乘元戎纔渡遼扶濊已冰消
詎似百萬臨江水按轡空迴鑣

天威電邁舉朝鮮信次卽言旋還笑魏家司馬
恣迢迢用一年鳴鑿詔蹕發滄潼合爵及疇庸
何必豐沛多相識北屋降堯封

詩

冬至乾陽殿受朝

以下五言

北陸玄冬盛南至晷漏長端拱朝萬國守文繼百

王至德慙日用治道愧時康新邑建嵩岳雙闕臨
洛陽圭景正八表道路均四方碧空霜華淨朱庭
皎日光纓珮既濟濟鍾鼓何鏗鏗文戟翊高殿采
耗分修廊元首乏明哲股肱貴惟良舟楫行有寄
庶此王化昌

奉和冬至乾陽殿受朝應詔

牛弘

字里仁安定鵠觚人

恭已臨萬寓宸居馭八埏作貢菁茅集來朝圭

開皇初授秘書監封奇章郡公後進位右光祿大夫大業六年從幸卒於江都

黻連司儀三揖盛掌禮九賓虔重欄映如璧複

殿繞非烟

同前

闕

許善心

森森羅陛衛噦噦鏘琤珩禮殫五瑞輯樂闋九

雨功成

雲中受突厥王朝宴席賦

西林吹

大業三年八月帝北巡車駕發榆林歷雲中泝金河時天下承平百物豐實甲

開河韓

士五十餘萬馬十萬匹旌旗輜重千里不絕突厥啟民克汗奉盧帳以俟車駕

風塞

帝幸其帳啟民奉觴上壽帝大悅賦詩曰

望風舉宴宴向日

鹿塞鴻旗駐龍庭翠輦回羶帷望風舉穹廬向日
開呼韓頓顙至屠耆接踵來索辦擊羶肉韋鞞獻
酒杯如何漢天子空上單于臺

宴東堂突厥王時宴羶帳

雨罷春光潤日落暝霞暉海榴舒欲盡山櫻開未
飛清音出歌扇浮香飄一作舞衣翠帳全臨戶金
屏半隱屏風花意無極芳樹曉禽歸善心

賜史祥

北史曰煬帝即位漢王作亂遺其將蔡
母良自滏口徇黎陽塞白馬津余公理

自太行下河內帝以祥為行軍總管軍
於河陰公理屯兵河陽城內以備祥祥
乃簡精銳於下流潛度擊公理大破之
東趣黎陽蔡母良棄軍走其眾大潰進
位上大將軍轉太
僕卿帝賜祥詩曰

伯哭朝繼重夏侯親遇深貴耳唯聞古賤目詎知
今早擿勁草質久有背淮心掃逆黎山外振旅河
之陰功已書王府留情太僕箴

賜牛弘

北史曰煬帝之在東宮數有詩書遺弘
弘亦有答及嗣位嘗賜弘詩曰云云其
同被賜詩者至於文
辭贊揚無如弘美

晉家山吏部魏代盧尚書莫言先哲異奇才並佐
予學行敦時俗道素乃冲虛納言雲閣上禮儀皇
運初彞倫欣有序垂拱事端居

賜諸葛穎

隋書本傳曰煬帝卽位遷穎著作郎甚見親待帝嘗賜穎詩其卒章曰

參翰長洲苑侍講肅成門名理窮研覈英華恣討
論實錄資平允傳芳導後昆

前闕

早渡淮

平淮旣淼淼曉霧復霏霏淮甸未分色泱泱共晨

暉晴霞轉孤嶼錦帆出長圻潮魚時躍浪沙禽鳴
欲飛會待高秋晚愁因逝水歸

奉和出潁至淮應令

諸葛穎

涉潁倦紆迴浮淮欣迥直遙村含水氣遠浦澄
天色靈濤稍欲近仙巖行可識玄覽屬睿辭風
雲有餘力

同前

蔡允恭

荊州江陵人工

爲詩仕隋起居舍人隋亡入唐官至太子洗馬

久倦川涂曲忽此望淮圻波長泛淼淼眺迥情

言終
卷之一
依依稍覺金烏轉
漸見錦颿稀
欲知仁化洽
謳歌滿路歸

同前

弘執恭

睿情欣逸賞
臨泛入淮淝
棹聲喧岸度
颿影出雲飛
清流含日彩
犇浪蕩霞暉
還如漳水曲
鳴笳啟路歸

同前

虞世南

良晨喜利涉
解纜入淮淝
寒流泛鷁首
霜吹響哀吟
潛鱗波裏躍
水鳥浪前沈
邗溝非復遠
悵

望悅神襟

臨涓源

西征乃屆此
山路亦悠悠
地幹紀靈異
同穴吐洪流
濫觴何足擬
浮槎難可儔
驚波鳴澗石
澄岸瀉巖樓
滔滔下狄縣
森森肆神州
長林嘯白獸
雲徑想青牛
風歸花葉散
日舉煙霧收
直爲求人隱
非窮轍迹遊

奉和臨涓源應詔

薛道衡

玄功復禹迹
至德去湯羅
玉關亭障遠
金方水

石多八川茲三態萬里導長波驚流注陸海激
浪象天河鸞旗歷岩谷龍穴暫經過西老陪遊
宴南風起詠歌庶品蒙仁澤生靈穆太和微臣
惜暮景願駐魯陽戈

還京師

東都禮儀舉西京冠蓋歸是月春之季花柳相依
依雲蹕清馳道雕輦御晨暉嘹亮鐃笳奏歲蕤旌
旆飛後乘趨文雅前驅厲武威

奉和還京師

許善心

重光闡帝圖肆覲荷來蘇卜洛連新邑因秦還
舊都雷警三辰衛星陳七萃駟從風折鳳羽曜
日拖魚鬚憲章殫禮樂容服備車徒迴鑿入鄴
鎬從蹕度枌榆冉冉年和變遲遲節物徂餘花
照玉李細葉翦珪梧朝夕萬國湊海會百川輸
微生逢大造倏忽改榮枯

捨舟登陸示慧日道場玉清玄壇德衆一

首

天淨宿雲卷日舉長川旦颺洒林花落逶迤風柳

言終
卷之一
散孤鶴近追羣啼鶯遠相喚蓮舟水處盡盡輪途
始半江滄各自遙東西並興嘆已熏禪慧力復藉
金丹捍有異三川遊曾非四門觀於焉履妙道超
然登彼岸

謁方山靈巖寺

梵宮旣隱隱靈岫亦沈沈平郊送晚日高峯落遠
陰迴旛飛曙嶺疎鍾響晝林蟬鳴秋氣近泉吐石
溪深抗迹禪枝地發念菩提心

奉和方山靈巖寺應教

諸葛穎

名山鎮江海梵宇駕風煙畫拱臨松蓋鑿牖對
峯蓮雷出階基下雲歸棟梁前靈光辨晝夜輕
衣數劫年一陪香作食長用福爲田

月夜觀星

團團素月淨脩脩夕景清谷泉驚暗石松風動夜
聲披衣出荆戶躡履步山楹欣覩明堂亮喜見泰
階平觜參猶可識牛女尚分明更移斗柄轉夜久
天河橫徘徊不能寐參差幾種情

奉和月夜觀星

諸葛穎

穹窿神居遠蕭條更漏深薄煙淨遙色高樹肅
 清陰星月滿絃夜燦爛還相臨連珠欲東上團
 扇漸西沈澄水含斜漢修樹隱橫參時聞送籌
 柝屢見繞枝禽聖情記餘事振玉復鳴金

同前

袁慶

按隋書樂志有袁慶

隆者大業時為秘書郎煬帝命與柳顧言等典樂事疑即此也

六龍出匿影顧兔始馳光戎井傳宵漏

文選刻漏銘微

井宮戎山庭引夕涼宸居多勝託閑步出琳堂爛

爛星芒動耿耿清河長青道移天駟北極轉文

昌喬枝猶隱畢絕嶺半侵張仰觀留玉裕

文選陸士

衡宣猷堂詩天姿玉裕

睿作動金相無庸徒抱寂何以繼

連章

同前

蕭琮

字溫文父歸梁王

之子晉請魏師平江陵遂稱帝於江陵傳歸及琮嗣位二歲入朝於隋被留賜爵莒國公煬帝即位改封梁公後被廢卒

陽精去南陸大曜始西流夕風淒謝暑夜氣應

新秋重門月已映嚴城漏漸修臨風出累榭度

月蔽層樓靈河隔神女仙轡動星牛玉衡指棟

言終 卷之一
落瑤光對幌留徒知仰闔闔乘槎未有由

同前

虞世南

早秋炎景暮初絃月彩新清風滌暑氣文露淨
囂塵蕩霧銷輕縠鮮雲卷夕鱗休光灼前耀瑞
彩接重輪緣情摘聖藻並作命徐陳宿草誠淪
濫吹噓偶縉紳天文豈易述徒知仰北辰

季秋觀海

孟軻敘遊聖枚乘說瘡疾逃聽乃前聞臨深驗茲
日浮天迥無岸含靈固非一委輸百谷歸朝宗萬

川溢分城

一作空

作

碧霧晴連洲彩雲密欣同夫子觀

深愧玄虛筆

望海

碧海雖欣矚金臺空有聞遠水翻如岸遙山倒似
雲斷濤還共合連浪或時分馴鷗舊可狎卉木足
爲羣方知小姑射誰復語臨汾

奉和望海

虞茂

清蹕臨溟漲巨海望滔滔十洲雲霧遠三山波
浪高長瀾疑浴日連島類奔濤神遊藐姑射睿

藻冠風騷徒然雖觀海何以効涓毫

詠鷹

遷朔欲之衡忽投尉羅裏既以羈華絆仍持獻君子青骹固絕儔素羽誠難擬深目表茲稱闊臆斯為美驚獸不及奔猜禽無暇起雖蒙鞫上榮無復凌雲志

獻歲讌官臣

三元建上京六佾宴

缺一字一作吳

城朱庭容衛肅青天

春氣明朝光動劍綵長階分珮聲酒闌鍾磬息

觀禮樂成

奉和獻歲讌官臣

虞世南

履端初啟節長苑命高筵肆夏喧金奏重潤響朱絃春光催柳色日彩泛槐煙微臣同濫吹謬得仰鈞天

正月十五日于通衢建燈夜升南樓

法輪天上轉梵聲天上來燈樹千光照花燄七枝開月影疑流水春風含夜梅旛動黃金地鍾發琉璃臺

言
卷之十一
奉和通衢建燈應教

諸葛穎

芳衢燈夜景法炬爛參差逐輪時徒燄桃花生
落枝飛煙繞定室浮光映瑤池重閣登臨罷歌
管乘空移

晚春

洛陽春稍晚四望滿春暉楊葉行將暗桃花落未
稀窺簷燕爭入穿林鳥亂飛唯當關塞者溽露方
霑衣

悲秋

故年秋始去今年秋復來露濃山氣冷風急蟬聲
哀鳥擊初移樹魚寒欲隱苔斷霧時通日殘雲尚
作雷

冬夜

不覺歲將盡已復入長安月影含冰凍風聲淒夜
寒江海波濤壯峭潼坂險難無因寄飛翼徒欲動
和鑿

夏日臨江

夏潭蔭修竹高岸坐長楓日落滄江靜雲散遠山

空鷺飛雲外白蓮開水上紅逍遙有餘興悵望情
不終

北鄉古松樹

古松惟一樹森竦詎成林獨留塵尾影猶橫偃蓋
陰雲來聚雲色風度雜風音孤生小庭裏尚表歲
寒心

附錄

說見陳後主

賜守宮女

隋遺錄曰大業十二年帝將幸江都東都宮女半不隨駕泣留帝言遼東小國

不足以煩大駕願擇將征之帝意不回因戲飛帛題二十字賜守宮女云

我夢江都好征途亦偶然但存顏色在離別只今

拾遺作經年

持檝篇賜吳絳仙

帝幸江都至汴帝御龍舟蕭妃乘鳳舸每舟擇妙麗女子千人執雕板鏤金檝號為殿脚女中有吳絳仙者柔麗不與羣輩齒因有寵於帝帝每倚簾視絳仙移時不去因吟持檝篇以賜之

來
舊曲歌桃葉粧臺艷落梅將身倚輕檝知是渡江

詩經 卷之一
贈張麗華

帝昏酒往往為妖祟所惑嘗游吳公宅
鷄臺與陳後主相遇後主侍女數十許
中一人迥美帝屢目之後主云此即麗
華也帝與後主復詩十數篇麗華拜求
帝一章帝操觚曰麗
華捧侍頰然不懌

見面無多事聞名爾許時坐來生百媚實箇好相

知

憶韓俊娥二首

拾遺作題
迷樓東柱
帝在廣陵侍兒韓俊娥尤得帝意蕭妃
誣罪去之帝不能止暇日登迷樓憶之
題東南
二柱云

黯黯愁侵骨綿綿病欲成須知潘岳鬢強半為多

情

不信長相憶絲從鬢裏生閑來倚樓立相望幾含

情

嘲羅羅 七言

帝常醉遊諸宮偶戲宮婢羅羅者羅
羅畏蕭妃不敢迎帝帝乃嘲之曰

箇人無賴是橫波黛染隆顱簇小蛾幸好留儂伴

成夢不留儂住意如何

效劉孝綽雜憶詩二首

雜言○已上
並見隋遺錄

言系
一
九
憶睡時待來剛不來卸粧仍索伴解珮更相催博
山思結夢沈水未成灰
憶起時投籤初報曉被慝香黛殘枕隱金釵裊笑
動上林中除却司晨鳥

幸江都作

隋書五行志曰大業十一年煬帝自京師如東都至長樂宮飲酒大醉因賦五言詩其卒章曰徒有歸飛心無復因風力令美人再三吟詠帝泣下霑襟侍御者莫不欬歔帝因幸江都復作五言詩曰云云帝以三月被弒卽遭春之應也是年盜賊蜂起道路隔絕帝遂無還心復夢二豎子歌曰去亦死住亦死未若

求歸不得去真成遭箇春鳥聲爭勸酒梅花笑殺

人

乘船渡江水由是築宮丹陽將居焉功未就而被弒

鳳船歌

七言○廣五行志曰隋煬帝三月三日江上作鳳船歌乃唐興之兆

三月三日向江頭正見鯉魚波上游意欲垂鈎往
撩取恐是蛟龍還復休

迷樓宮人歌

煬帝自歌附

迷樓記曰大業九年帝將再幸江都有迷樓宮人夜歌云

河南楊柳樹河北李花榮楊花飛去去何處李

花結果自然成

帝聞其歌披衣起聽召宮女問之云孰使汝歌也汝自爲之邪宮女曰臣有弟在民間曰道塗兒童多唱此帝默然久之曰天啟之也因索酒自歌云云後帝幸江都唐帝起兵入京焚迷樓火經月不滅前謠前詩皆見矣

宮木陰濃燕子飛興衰自古漫成悲他日迷樓更

好景宮中吐艷變紅輝

望江南

八闋 ○ 襟言

海山記曰煬帝闢地周二百里爲西苑內爲十六院聚巧石爲山鑿池爲五湖四海又鑿北海周迴四十里中有三山效蓬萊方丈瀛洲上皆臺榭迴廊水深

數丈開溝通五湖北海盡通行龍鳳舸帝多泛東湖因製湖上曲望江南入闋云○西溪叢語曰望江南者朱崖李太尉鎮關西日爲亡姬謝秋娘所作後進坊入教

湖上月偏照列仙家水浸寒光鋪枕簟浪攪晴影
走金蛇偏稱泛靈槎○光景好輕彩望中斜清露
冷侵銀兔影西風吹落桂枝花開宴思無涯
湖上柳煙裏不勝垂宿霧洗開明媚眼東風搖弄
好腰肢煙雨更相宜○環曲岸陰覆畫橋低線拂
行人春晚後絮飛晴雪暖風時幽意更依依

湖上雪風急墮還多輕片有時敲竹戶素華無韻
入澄波望外玉相磨○湖水遠天地色同和仰面
莫思梁苑賦朝來且聽玉人歌不醉擬如何
湖上草碧翠浪通津修帶不爲歌舞緩濃鋪堪作
醉人茵無意襯香衾○晴霽後顏色一般新遊子
不歸生滿地佳人遠意寄青春留詠卒難伸
湖上花天水浸靈芽淺葑水邊勻玉粉濃苞天外
剪明霞只在列仙家○開爛熳插鬢若相遮水殿
春寒幽冷艷玉軒晴照暖添華清賞思何賒

湖上女精選正輕盈猶恨乍離金殿侶相將盡是
采蓮人清唱謾頻頻○軒內好嬉戲下龍津玉管
朱絃聞盡夜踏青鬪草事青春玉輦從羣真
湖上酒終日助清歡檀板輕聲銀甲緩醅浮香米
玉蛆寒醉眼暗相看○春殿晚仙艷捧杯盤湖上
風光真可愛醉鄉天地就中寬帝王正清安
湖上水流遶禁園中映日暖搖清翠動落花香暖
衆紋紅蘋未起清風○閒縱目魚躍小蓮東泛泛
輕搖蘭棹穩沈沈寒影上仙宮遠意更重重

自傷

侯夫人

述樓記曰煬帝建迷樓選後宮女數千以居其中由是後宮多不得進御宮女侯夫人有美色一日縊於棟下臂繫囊囊中有文左右取以進帝覽其詩反覆傷感厚禮葬之

初入承明日深深報未央長門七八載無復見

君王春寒入骨清獨卧愁空房颯履步庭下幽

懷空感傷平日親愛惜自待却非常色美反成

棄命薄何可量君恩實踈遠妾意徒徬徨家豈

無骨肉偏親老北堂此身無羽翼何計出高墻

性命誠所重棄割良可傷懸帛朱棟上肝腸如

沸湯引頸又自惜有若絲牽腸毅然就地死從

此歸冥鄉

妝成

妝成多自惜夢好却成悲不及楊花意春來到

處飛

自遣

秘洞扁仙卉雕房鎖玉人毛君真可戮不肯寫

昭君

自感三首

庭絕玉輦迹芳草漸成窠
隱隱聞簫鼓君恩何處多

欲泣不成淚悲來翻強歌
庭花方爛熳無計柰

春何

春陰正無際獨步意如何
不及閑花草翻成雨

露多

看梅二首 雜言

砌雪無消日捲簾時自顰
庭梅對我有憐意先

露枝頭一點春

香清寒艷好誰惜是天眞
玉梅謝後陽和至散

與羣芳自在春

謝賜合歡果

吳絳仙 已見煬帝持檄

篇

隋遺錄曰殿脚女自至廣陵悉用備月
觀行宮由是絳仙不得親侍寢殿有郎
將獻合歡水果一噐帝命小黃門以一
雙騎馳賜絳仙遇馬急搖解絳仙拜賜
因附紅牋小簡上進曰云云帝省章不
悅顧黃門曰絳仙如何來辭何怨之深
也黃門言其故帝曰絳仙不獨貌
可觀詩意深切何謝左貴嬪乎

驛騎傳雙果君王寵愛深寧知辭帝里無復合
歡心

應詔嘲司花女

虞世南

隋遺錄曰煬帝幸江都洛陽人獻合蒂迎輦花帝令御車女表寶兒持之號司花女時詔世南草勅於帝側寶兒注視久之帝曰昔傳飛燕可掌上舞今得寶兒方昭前事然多憨態今注目於卿卿可便嘲之世南爲絕句曰

學畫鴉黃半未成垂肩暉袖太憨生緣憨却得
君王惜長把花枝傍輦行

詩紀卷之一百二十終

詩紀卷之一百二十一

隋二

越王侗

字仁謹煬帝之孫元德太子昭之子美姿容性寬厚大業三年立爲越王十三年帝幸江都侗留守東都宇文化及弑逆遂卽位改元皇泰尋爲王世充所奪被醜死

京洛行

樂府此詩乃陳後主楊叛兒曲也選詩拾遺作隋越王不知何據

青春上陽月結伴戲京華龍媒玉珂馬鳳軫繡香
車水映臨橋樹風吹夾路花日昏歡宴罷相將歸

狹斜

蕭岑

字智遠梁宣帝晉之第八子晉時封河間王後改爲吳郡王位至太尉及琮嗣位自

詩紀

卷之二 隋

以望重屬尊頗有不法隋文帝徵入朝拜大將軍封懷義郡公遂留不遣

權歌行

桂酒既潺湲輕舟亦乘駕鼓柁何所吟吟我皇唐
化容與滄浪中淹留明月夜

王通

字仲淹河汾人既冠西見隋文帝獻太平十二策帝不用東歸其後累徵不起講道于河汾之上卒弟子謚曰文中子

東征歌

文中子世家曰隋仁壽三年文中子西游長安見文帝奏太平十有二策帝下其議於公卿公卿不悅文中子知謀之不用賦東征之歌而歸帝聞而再徵之

不至

我思國家兮遠遊京畿忽逢帝王兮降禮布衣遂
懷古人之心兮將興太平之基時異事變兮志乖
願違吁嗟道之不行兮垂翅東歸皇之不斷兮勞
身西飛

姚察

吳興人初為南海王國常侍兼尚書駕部郎陳永定中累官至吏部尚書陳亡入隋大為文帝所重終於東都察至孝有人倫鑒識專志著書白首不倦文帝常謂侍臣曰平陳之後惟得此一人

遊明慶寺悵然懷古

廣弘明集云陳姚察遇見蕭祭酒書明慶寺禪房詩覽之愴然憶此寺仍用蕭韻述懷

地靈居五淨山幽寂四禪月宮臨鏡石花讚繞峯
蓮霞暉間旛影雲氣合爐煙迴松高偃蓋水瀑細
分泉含風萬籟響裊露百花鮮宿昔尋真趣結友
亟留連山庭出蘿薜澗沚濯潺湲因斯事熏習便
得息攀緣何言遂雲雨懷此悵悠然徒有南登望
會逐東流旋

賦得笛

作曲是佳人製名由巧匠鷓絃時莫並鳳管還相
向隨歌響更發逐舞聲彌亮宛轉度雲窻透迤出
黼帳長隨畫堂裏承恩無所讓

李德林

字公輔博陵安平人初仕齊至儀同三司及周武帝克齊授內史上士宣帝大

漸屬隋高祖受顧命德林叶贊謀猷禪代之文皆德林辭也初受內史令安平縣公出為

湖州刺史

相逢狹路間

天衢號九經冠蓋恒縱橫忽逢懷刺客相尋欲逐
名我任河陽浦開門望帝城金臺遠猶出玉觀夜

恒明筵羞大官膳酒釀步兵營懸牀接高士隔帳
授諸生流水琴前韻飛塵歌後輕天子難爲弟中
子難爲兄小子輕財利實見陶朱情龍軒照人轉
驥馬噓天明入門俱有說至道勝金籛出門會親
友天官奏德星大婦訓端木中婦訓劉靈小婦南
山下擊缶和秦箏羣賓莫有戲燈來告絕纓

從駕巡遊

詩苑類選作
許善心者非

大夏堯遺俗汾河漢豫遊今隨龍駕往還屬鴈飛
秋天行肅輦路日馭翼華輶朝乘六氣辨夕動七

星旒谷靜禽多思風高松易秋遠林才有色遙水
漫無流京華佳麗所目極與雲浮但覩凌霄觀詎
見望仙樓鎖門皆秀發鴛池盡學優待君草封禪
東山觀射牛

從駕還京

至仁文教遠惟聖武功宣太師觀六義諸侯問百
年玄覽時乘隙訓旅次山川鎮象屯休氣華蓋翼
飛煙鼓奏千人響旗動七星連峻嶺戈迴日高峯
馬煦一作照天姑射神遊罷蕭關獵騎旋更待東山

上看君巡狩篇

夏日

夏景多煩蒸山水暫追涼
桐枝覆玉檻荷葉滿銀
塘輕扇搖明月珍簟拂
流黃壺盛仙客酒瓶貯
帝臺漿才人下銅雀侍
妓出明光歌聲越齊市
舞曲冠平陽微風動羅
帶薄汗染紅粧共欣陪
宴賞千秋樂未央

入山

登嶺望重關腰珮且鳴環
天河臨易飲月桂近將

攀王母西山至夫人南嶽還
何必陽臺下要待夢容顏

詠松樹

結根生上苑擢秀邇華池
歲寒無改色年長有倒
枝露自金盤灑風從玉樹
吹寄言謝霜雪貞心自
不移

楊素

字處道弘農華陰人仕周武帝以平齊加

上開府封成安縣公隋高祖為丞相素深
自結納受禪後加上柱國進封越國公累官
右僕射掌朝政晉王廣之弑立素之謀也大
業初遷尚書令拜
太師改封楚公卒

出塞二首

薛道衡虞世基和詩別見

漠南胡未空漢將復臨戎飛狐出塞北碣石指遼
東冠軍臨瀚海長平翼大風雲橫虎落陣氣抱龍
城虹橫行萬里外胡運百年窮兵寢星芒落戰解
月輪空巖鏹息夜斗驛角罷鳴弓北風嘶朔馬胡
霜切塞鴻休明大道暨幽荒日月同方就長安邸
來謁建章宮

漢虜未和親憂國不憂身握手河梁上窮涯北海
濱據鞍獨懷古慷慨感良臣歷覽多舊迹風日慘
愁人荒塞空千里孤城絕四隣樹寒偏易古草衰
恒不春交河明月夜陰山苦霧辰鴈飛南入漢水
流西咽秦風霜久行役河朔備艱辛薄暮邊聲起
空飛胡騎塵

山齋獨坐贈薛內史二首

居山四望阻風雲竟朝夕深溪橫古樹空巖臥幽
石日出遠岫明鳥散空林寂蘭庭動幽氣竹室生
虛白落花入戶飛細草當堦積桂酒徒盈樽故人
不在席日一作薄暮山之幽臨風望羽客

巖壑澄清景清巖壑深白雲飛暮色綠水激清
 音澗戶散餘彩山牕疑宿陰花草共榮映樹石相
 陵臨獨坐對陳榻無客有鳴琴寂寂幽山裏誰知
 無悶心

敬酬楊僕射山齋獨坐 薛道衡

相望山河近相思朝夕勞龍門竹箭急萃岳蓮
 花高岳高嶂重疊鳥道風烟接遙原樹若薺遠
 水舟如葉葉舟旦旦浮驚波夜夜流露寒洲渚
 白月冷函關秋秋夜清風發彈琴卽鑑月雖非

莊舄歌吟詠常思越

贈薛內史

耿耿不能寐京洛久離羣橫琴還獨坐停杯遂待
 君待君春草歇獨坐秋風發朝朝唯落花夜夜空
 明月明月徒流光落花空自芳別離望南浦相思
 在漢陽漢陽隔隴岑南浦達桂林山川雖未遠無
 由得寄音

重酬楊僕射山亭 薛道衡

寂寂無與晤朝端去惣戎空庭聊步月閑坐獨

臨風臨風時太息步月山泉側朝朝散霞彩暮
暮澄秋色秋色遍臯蘭霞彩落雲端吹旌朔氣
冷照劍日光寒光寒塞草平氣冷咽笳聲將軍
獻凱入藹藹風雲生

贈薛播州十四首

北史曰素嘗以五言詩七百字贈播州
刺史薛道衡詞氣穎拔風韻秀上為一
時盛作未幾而卒道衡曰人
之將死其言也善若是乎

在昔天地閉品物屬屯蒙和平替王道哀怨結人
風麟傷世已季龍戰道將窮亂海飛羣水一作亂
流飛海

若貫日引長一作虹干戈異革命揖讓非至公

兩河定寶鼎八水域神州函關絕無路京洛化為
丘漳溢爾連沼涇渭余別流生郊滿戎馬涉路起
風牛班荆疑莫遇贈縞竟無由

五緯連珠聚千載濁河清金亾潛虎質閨盡自蛙
聲聖期伊旦暮天祿啟炎精霧生三日重星飛五
老輕裡宗答上帝改物創羣生

道昏雖已朗政故猶未新剗舟洹水濟一作際結網

大川濱出遊迎釣叟入夢訪幽人植林雖各樹開

榮豈異春相逢一時泰共幸百年身

有帛賁丘園生芻自幽谷塵芳金馬路瀾清鳳池
澳零露既垂光清風復流穆傾蓋如舊知彈冠豈
新沐利心金各斷芬言蘭共馥

自余歷端揆緝熙慝時彥及爾陪帷幄出納先天
睠高調發清音縟藻流餘絢或如彼金玉歲暮無
凋變余松待爾心爾筠留我箭

荏苒積歲時契闊同遊處閭闔既趨朝承明還宴
語上林陪羽獵甘泉侍清曙迎風含暑氣飛雨淒
寒序相顧惜光陰留情共延一作佇

滔滔彼江漢實爲南國紀作牧求明德若人應斯
美高臥未褰帷飛聲已千里還望白雲天日暮秋
風起峴山君儻遊淚落應無已

漢陰政已成嶺表人猶蠹彈冠比方新還珠摠如
故楚人結去思越俗歌來暮陽烏疑作尚歸飛別

鶴還迴顧君見南枝巢應思北風路

北風吹故林秋聲不可聽鴈飛窮海寒鶴唳霜臯
淨含毫心未傳聞音路猶夙唯有孤城月徘徊獨

臨映弔影余自憐安知我疲病

養病願歸閒居榮在知足栖遲茂陵下優遊滄海
曲古人情可見今人遵路躅荒居接野窮心物俱
非俗桂樹芳叢生山幽竟何欲

所欲棲一枝稟分豐諸已園樹避鳴蟬山梁遇雌
雉野陰冒叢灌幽氣含蘭芷悲哉暮秋別春草復
萋矣鳴琴久不聞屬聽空流水

秋水魚遊日春樹鳥鳴時濠梁暮共往幽谷有相
思千里悲無駕一見杳難期山河散瓊蘂庭樹下

丹滋物華不相待遲暮有餘悲

銜悲向南浦寒色黯沈沈風起洞庭險烟生雲夢
深獨飛時暮侶寡和乍孤音木落悲時暮時暮感
離心離心多苦調詎假雍門琴

何妥

字栖鳳西城人少機敏以技巧事梁湘東
王江陵陷周武帝尤重之隋高祖受禪除

國子博士奉詔考正
鍾律累遷國子祭酒

門有車馬客行

英華作
何遜

門前車馬客言是故鄉來故鄉有書信縱橫印檢
開開書看未極行客屢相識借問故鄉人潺湲淚

言終
卷之二
不息上言離別久下道望應歸寸心將夜鵲相逐
向南飛

入塞

桃林千里險候騎亂紛紛問此將何事嫖姚封寇
軍回旌引流電歸蓋轉行雲待任蒼龍傑方當論
次勲

長安道

長安狹斜路縱橫四達分車輪鳴鳳轄箭服耀魚
文五陵多任俠輕騎自連羣少年皆重氣誰識故

將軍

鳳轄用
霍光事

昭君詞

英華作
何遜

昔聞別鶴弄已自軫離情今來昭君曲還悲秋草
并

奉敕於太常寺修正古樂

大樂遺鐘鼓至樂貴忘情俗久淳和變年深禮教
生嶰谷調孤管崙山學鳳鳴浮雲成舞曲白雪作
歌名聞詩六義辨觀漏八風平肅穆皇威暢淪漣
河水清鈞天動絲竹括地響錚鉦盡美兼韶濩盛

德總咸英寥亮鳧鍾徹飄揚翟羽輕小臣屬千載
時幸預簪纓行欣負蒼璧衢壇聽九成

樂部曹觀樂

東海餘風大陶唐遺思深何如觀徧舞奏鼓間撻
金清管調絲竹朱絃韻雅琴八行陳樹羽六德審
知音至道兼韶濩充庭總韎任高天度流火落日
廣城陰百神諧景福萬國仰君臨大樂非鐘鼓且
用戒民心

劉臻

字宜摯沛國相人父顯梁尋陽太守臻舉
秀才為邵陵王東閣祭酒元帝時遷中書

舍人後仕周為露門學士大都督隋高祖
受禪進位儀同三司皇太子勇引為學士

河邊枯樹

奇樹臨芳渚半死若龍門疾風摧勁葉沙岸毀盤
根將軍猶未坐匠石不曾論無復凌雲勢空餘激
浪痕可嗟摧折盡詎得上河源

賀若弼

字輔伯河南雒陽人仕齊周歷官壽州
刺史隋文帝受禪陰有平江南之志高
穎薦弼有文武才幹拜吳州總管平陳後加
上柱國進爵宋國公煬帝時以怨望坐誅

遺源雄

隋書本傳曰隋文帝拜弼為吳州總管
委以平陳之事弼欣然以為已任與壽

詩紀 卷之二
州總管源雄並為
重鎮弼遺雄詩曰

名
交河驃騎幕合浦伏波營勿使麒麟上無我二人

史萬歲

京兆杜陵人少英武善騎射周武帝時
釋褐侍任上士隋高祖時屢立戰功進
位柱國楊素害其功
激怒高祖以事殺之

石城山

石城門峻誰開闢更鼓悟聞風落石界天自嶺勝

金湯鎮壓西南天半壁

詩紀卷之一百二十一 終

詩紀卷之一百二十五

隋三

盧思道

字子行范陽人聰爽俊辯才學兼著齊
天保中解褐直中書省待詔文林館周
武帝平齊授儀同三司隋高祖為丞
相遷武陽太守開皇間為散騎侍郎

樂府

有所思

長門與長信憂思並難任洞房明月下空庭綠草

深怨歌裁潔

一作
統

素能賦受黃金復聞隔湘水猶

言限桂林淒淒日已暮誰見此時心

詩紀

卷之三 隋

日出東南隅行

初月正如鈎懸光入綺樓中有可憐妾如恨亦如
羞深情出艷語密意滿橫眸楚腰寧且細孫眉本
未愁青玉勿當取雙銀詎可一作肯留會待東方騎
遙居最上頭

權歌行

秋江見底清越女復傾城方舟共採摘最得可憐
名落花流寶珥微吹動香纓帶垂連理濕權舉木
蘭輕順風一作避人傳細語因波寄遠情誰能結錦纜

薄暮隱長汀

美女篇

京洛多妖艷餘香愛物華俱臨鄧渠一作梁澄水共採
鄴園花時搖五明扇聊駐七香車情疎看笑淺嬌
深盼欲斜微律染長黛新溜濕輕紗莫言人未解
隨君獨問家

升天行

尋師得道訣輕舉厭人羣玉山候王母珠庭謁老
君煎為返魂藥刻作長生文飛策乘流電彫軒曳

彩一作白雲玄洲望不極赤野眺無垠金樓旦蹇蹇
玉樹曉氛氲擁琴遙可聽吹笙遠詎聞不學蜉蝣
子生死何紛紛

神仙篇

浮生厭危促名岳共招携雲軒遊紫府風駟上丹
梯時見遼東鶴屢聽淮南雞玉英持作寶瓊實採
成蹊飛策揚輕電懸旌耀彩霓瑞銀光似燭靈石
髓如泥寥廓鸞山右超越鳳洲西一丸應五色持
此救人逃

河曲遊

魏文帝與吳質書曰
時駕而遊北遵河曲

鄴下盛風流河曲有名遊應徐託後乘車馬踐芳
洲丰茸雞樹密遙喬鶴烟稠日上疑高蓋雲起類
重樓金羈自沃若蘭棹成夷猶懸匏動清吹采菱
轉艷謳還珂響金埒歸袂拂銅溝唯畏三春晚勿
言千載憂

城南隅讌

曹子建贈丁翼詩曰吾
與二三子曲讌此城隅

詩經 卷之三
城南氣初新才王邀故人輕盈雲映日流亂鳥啼
春花飛北寺道絃散南漳濱舞動淮南袖歌揚齊
后塵駢鑣歇夜馬接軫限歸輪公孫飲彌月平原
讌浹旬卽是消聲地何須遠避秦

蜀國絃

西蜀稱天府由來擅沃饒雲浮玉壘夕日映錦城
朝南尋九折路東上七星橋琴心若易解令客豈
難要

採蓮曲

曲浦戲妖姬輕盈不自持擎荷愛圓水折藕弄長
絲珮動裙風入妝銷粉汗滋菱歌惜不唱須待暝
歸時

從軍行

朔方烽火照甘泉長安飛將出祁連犀渠玉劍良
家子白馬金羈俠少年平明偃月屯右地薄暮魚
麗逐左賢谷中石虎經銜箭山上金人曾祭天天
涯一去無窮已薊門迢遞三千里朝見馬嶺黃沙
合夕望龍城陣雲起庭中奇樹已堪攀塞外征人

殊未還白雪初下天山外浮雲直上五原間關山
 萬里不可越誰能坐對芳菲月流水本自斷人腸
 堅冰舊來傷馬骨邊庭節物與華異冬霰秋霜春
 不歇長風蕭蕭渡水來歸鴈連連映天沒從軍行
 軍行萬里出龍庭單于渭橋今已拜將軍何處覓
 功名

詩

駕出園丘

開年簡時日上辛稱天吉平曉禁門開隱隱乘輿
 出乘輿出九重金根御六龍章移千乘動旒舉百
 神從黃麾引朱節靈鼓應華鍾神歌已相續神光
 復相燭風中颺紫烟壇上埋蒼玉

贈李若

初發清漳浦春草正萋萋今留素滹曲夏木已成
 蹊塵起星橋外日落寶壇西庭空野煙合巢深夕
 羽迷短歌雖製素長吟當執珪寄語當窻婦非關
 惜長蹄

贈別司馬幼之南聘

詩經
卷之三
故交忽千里輜車蒞遠盟幽人重離別握手送征
行晚霞浮極浦落景照長亭拂霧揚龍節乘風遡
鳥旌楚山百重映吳江萬仞清夏雲樓閣起秋濤
帷蓋生陸侯持寶劍終子繫長纓前脩亦何遠君
其勗令名

贈劉儀同西聘

開邛昔柔遠賓越盡招携豈若馳天使玉節撫遺
黎五祠臨渭北雙嶺帶嶠西故關看金馬餘壇聽
寶雞垂絲被柳陌落錦覆桃蹊分袂俄易慘離思
實難齋極野雲峯合遙嶂日輪低塵暗前旌沒風
長後騎嘶灞陵行可望函谷久無泥須君勞旋罷
春草共萋萋

遊梁城

揚鑣歷汴浦迴扈

一作
鞞

入梁墟漢藩文雅地清塵

暖有餘賓遊多任俠臺苑盛簪裾歎息徐公劍悲
涼鄒子書亭臯落照盡原野沍寒初鳥散空城夕
煙銷古樹踈東越嚴子陵西蜀馬相如修名竊所
慕長謔獨課虛

詩經 卷之三
六
慕身歸從駕經大慈照寺

北齊時作

玄風冠東戶內範軼西陵大川開寶匣福地下金
繩繡栢高可映畫拱疊相承日馭非難假雲師本
易憑陽室疑停燧陰軒類鑿冰迴題飛星沒長楸
宿露凝旌門曙光轉輦道夕雲蒸山祇効靈物水
若薦休徵薄命叨恩紀微軀竊自陵優游徒可恃
周賚永難勝

春夕經行留侯墓

少小期黃石晚年遊赤松應成羽人去何忽掩高
封踈蕪枕絕野邈迤帶斜峯墳荒隧草沒碑碎石
苔濃狙秦懷猛氣師漢挺柔容盛烈芳千祀深泉
閉九重夕風吟宰樹遲光落下春遂令懷古客揮
淚獨無蹤

上巳禊飲

山泉好風日一作景城市厭囂塵聊持一樽酒共尋
千里春餘光下幽桂夕吹舞青蘋何言出關後重
有入林人

夜聞隣妓

拾遺作
觀妓

詩經 卷之三 七
倡樓對三道吹臺臨九重笙隨山上鶴笛奏水中
龍怨歌聲易斷妙舞態難逢誰能暫留客解珮一
相從

賦得珠簾

鑑帷明欲歛照檻色將晨可憐踈復密隱映當窻
人浮清帶遠吹含光動細塵落花時屢拂會待玉
階春

彭城王挽歌

旦禁門開隱隱靈輿發纔看鳳樓迴稍視龍山

沒猶陳五營騎尚聚三河卒容衛儼未

一作歸空

山照秋月

樂平長公主挽歌

粧樓對馳道吹臺臨景舍風入上春朝月滿涼秋
夜未言歌笑畢已覺生榮謝何時洛水湄芝田解
龍駕

後園宴

常聞崑閩有神仙雲冠羽佩得長年秋夕風動三
珠樹春朝露濕九芝田不如鄴城佳麗所玉樓銀

閣與天連太液回波千丈映上林花樹百枝然流
風續洛渚行雲在南楚可憐白水神可念青樓女
便妍不羞澁妖艷工言語池苑正芳菲得戲不知
歸媚眼臨歌扇嬌香出舞衣纖腰如欲斷側髻似
能飛南樓日已暮長簷烏應度竹殿遙聞鳳管聲
虹橋別有羊車路携手傍花叢徐步入房櫳欲眠
衣先解半醉臉逾紅日日相看轉難厭千嬌萬態
不知窮欲知妾心無劇已明月流光滿帳中

聽鳴蟬篇

北齊顏之推同賦已見

北史本傳曰周武帝平齊授思道儀同三司追赴長安與同輩楊休之等數人作聽鳴蟬篇思道所為詞意清切為時人所重新野史信編覽諸同作者而歎之美之

聽鳴蟬此聽悲無極羣嘶玉樹裏迴噪金門一作堤
側長風送晚聲清露供朝食晚風朝露實多宜秋
日高鳴獨見知輕身蔽數葉哀鳴抱一枝流亂罷
還續酸傷合更離暫聽別人心卽斷纔聞客子淚
先垂故鄉已超忽空庭正蕪沒一夕復一朝空見
涼秋月河流帶地從來嶮峭路于天不可越紅塵

早傲陸生衣明鏡空悲潘掾髮長安城裏帝王州
 鳴鐘列鼎自相求西望漸臺臨太液東瞻甲觀距
 龍樓說客恒持小冠出越使常懷寶劍遊學仙未
 成便尚主尋源不見已封侯富貴功名本多豫繁
 華輕薄盡無憂詎念嫖姚嗟木梗誰憶田單一作蘭臯
 倦土牛歸去來青山下秋菊離離日堪把獨焚枯
 魚宴林野終成獨校子雲書何如還驅少遊馬

李孝貞

字元操入隋為犯廟諱遂以字稱趙郡
 柏仁人少好學能屬文在齊歷官黃門
 侍郎周武帝平齊轉吏部下大夫開皇初歷
 蒙州刺史徵拜內史參典文翰出為金州刺

史

巫山高

荆門對巫峽雲夢邇陽臺燎火如奔電墜石似驚
 雷天寒秋水急風靜夜猿哀枕席無由薦朝雲徒
 去來

鳴雁行

此詩本詠雀樂府題
 曰鳴雁行或有誤也

聽琴旋蔡子張羅避翟公夕宿寒林上朝飛空井
 中既竝玄雲曲復變海魚風一報黃苑惠還遊萬
 歲宮

奉和從叔光祿愔元日早朝

銅渾變春節玉律動年灰
曖曖城霞日隱隱禁門
開衆靈湊仙府百神朝
帝臺葉令雙鳧至梁王
駟馬來戈鋌映林闕
歌管沸塵埃保章望瑞
氣尚書滅火災冠冕多
秀士簪裾饒上才誰憐
張仲蔚日暮返蒿萊

聽百舌鳥

煙銷上路靜漏盡禁門
通好鳥從西苑流響入
南宮間關既多緒變轉
復無窮調驚時斷絕音
繁有

異同飲啄歸承露飛鳴
上別風未避王孫彈寧
畏虎賁弓石渠皆學府
麟閣悉文雄不恡青泥
印時尋白社中

酬蕭侍中春園聽妓

微雨散芳菲中園照落
暉紅樹搖歌扇綠珠飄
舞衣繁絃調對酒雜引
動思歸愁人當此夕羞
見落花飛

園中雜詠橘樹

嘉樹出巫陰分根徙上
林白華如散雪朱實似
懸

金布影臨丹地飛香度玉岑自有凌冬質能守歲
寒心

詩紀卷之一百二十三

隋四

薛道衡

字玄卿河東汾陰人少孤專精好學甚著才名為齊尚書左外兵郎齊亡周武引用為御史二命士隋高祖受禪除內史累遷上儀同三司出檢校襄州煬帝嗣位道衡上文皇帝頌帝覽之不悅尋以論時政見害

樂府

出塞二首

和楊素○以下五言

高秋白露團上將出長安塵沙塞下暗風月隴頭
寒轉蓬隨馬足飛霜落劍端凝雲迷代郡流水凍

桑乾烽微桔槔遠橋峻輓轡難從軍多惡少召募
 盡材官伏堤時臥鼓疑兵乍解鞍柳一作龍城擒冒
 頓長坂納呼韓受降今更築燕然已重刊還嗤傳
 介子辛苦刺樓蘭

邊庭降火驚插羽夜徵兵少昊騰金氣文昌動將
 星長驅鞬汗北直指夫人城絕漠三秋暮窮陰萬
 里生寒夜哀笛曲霜天斷雁聲連旗下鹿塞疊鼓
 向龍庭妖雲墜虜陣暈月遶胡營左賢皆頓顙單
 于已繫纓綫馬登玄闕鈎鯤臨北溟當知霍驃騎

高第起西京

昭君辭

我本良家子克選入椒庭不蒙女史進更失畫師
 情蛾眉非本質蟬鬢改真形專由妾命薄誤使君
 恩輕啼霑渭橋路歎別長安城夜依寒草宿朝逐
 轉蓬征卻望關山迥前瞻沙漠平胡風帶秋月嘶
 馬雜笳聲毛裘易羅綺氈帳代金屏自知蓮臉歇
 羞看菱鏡明釵落終應棄髻解不須縈何用單于
 重詎假闕氏名馱馱聊強食筒一作桐酒未能傾心

隨故鄉斷愁逐塞雲生漢宮如有憶爲視旄頭星

昔昔鹽

垂柳覆金堤
薜蘿葉復齊
水溢芙蓉沼
花飛桃李蹊
採桑秦氏女
織錦竇家妻
關山別蕩子
風月守空閨
恒歛千金笑
長垂雙玉啼
盤龍隨鏡隱
彩鳳逐帷低
飛翬同夜鵲
倦寢憶晨雞
暗牖懸蛛網
空梁落燕泥
前年過代北
今歲往遼西
一去無消息
那能惜馬蹄

豫章行

七言

江南地遠接閩甌
山東英妙屢經遊
前瞻疊障千重阻
却帶驚湍萬里流
楓葉朝飛向京洛
文魚夜過歷吳洲
君行遠度茱萸嶺
妾住長依明月樓
樓中愁思不開嘔
始復臨窻望早春
鴛鴦水上萍初合
鳴鶴園中花併新
空憶常時角枕處
無復前日畫眉人
照骨金環誰用許
見膽明鏡自生塵
蕩子從來好留滯
況復關山遠迢遞
當學織女嫁牽牛
莫作姮娥叛夫婿
偏訝思君無限極
欲罷欲忘還復憶
願作王母三青鳥
飛去飛來傳消息
豐城雙

劍昔曾離經年累月復相隨不與將軍成久別只
恐封侯心更移

詩

從駕幸晉陽

以下
五言

省方遵往冊遊豫叶前經金吾朝戒道校尉晚巡
營重巒下飛騎絕浦渡連旌澗水寒逾咽松風遠
更清方觀翠華反簪筆上云亭

奉和月夜聽軍樂應詔

旌門臨古堞徼道度深隍月冷疑秋夜山寒落夏
霜遙空澄暮色清景散餘光笳聲喧隴水鼓曲噪
漁陽沈鬱興神思眺聽發天章嵩岱終難學丘陵
徒自強

奉和臨涓源應詔

玄功復禹迹至德去湯羅玉關亭障遠金方水石
多八川茲一態萬里導長波驚流注陸海激浪象
天河

三輔黃圖云涓
水貫都象天河

鸞旗下巖谷龍穴暫經過西

老陪遊宴南風起詠歌庶品蒙仁澤生靈穆太和
微臣惜暮景願駐魯陽戈

秋日遊昆明池

江總元行恭
皆有此詩

灞陵因靜退靈沼暫徘徊新船木蘭檝舊宇豫章
材荷心宜露泫竹徑重風來魚潛疑刻石沙暗似
沈灰琴逢鶴欲舞酒遇菊花開羈心與秋興陶然
寄一杯

敬酬楊僕射山齋獨坐

相望山河近相思朝夕勞龍門竹箭急華岳蓮花
高岳高障重疊鳥道風煙接遙原樹若薺遠水舟
如葉葉舟旦旦浮驚波夜夜流露寒洲渚白月冷

函關秋秋夜清風發彈琴即鑑月雖非莊鳥歌吟

詠常思越

楊素封
越國公

重酬楊僕射山亭

寂寂無與晤朝端去總戎空庭聊步月閒坐獨臨
風臨風時太息步月山泉側朝朝散霞彩暮暮澄
秋色秋色徧臯蘭霞彩落雲端吹旌朔氣冷照劍
日光寒光寒塞草平氣冷咽笳聲將軍獻凱入藹
藹風雲生

入郴江

言終
卷之四
五
伏節遵嚴會揚舲泝急流征途非白馬水勢類黃
牛跳波鳴石磧濺沫擁沙洲岸迴槎倒轉灘長船
却浮緣崖頻斷挽挂壁屢移鈎還憶青絲騎東方
來上頭

渡北河

連旌映淑浦疊鼓拂沙河一作洲桃花長新浪竹箭
下奔流塞雲臨遠艦胡風入陣樓劍拔蛟將出驟
驚黿欲浮鴈書終立效燕相果封侯勿恨關河遠
且寬邊地愁

和許給事善心戲場轉韻

京洛重新年復屬月輪圓雲間壁獨轉空裏鏡孤
懸萬方皆集會百戲盡來前臨衢車不絕夾道閣
相連驚鴻出洛水翔鶴下伊川艷質迴風雪笙歌
韻管絃佳麗儼成行相攜入戲場衣類何平叔人
同張子房高高城裏髻峩峩樓上粧羅裙飛孔雀
綺帶垂鴛鴦月映班姬扇風飄韓壽香竟夕魚負
燈徹夜龍銜燭歡笑無窮已歌詠一作吹還相續羗
笛隴頭吟胡舞龜茲曲假面飾金銀盛服搖珠玉

宵深戲未闌競爲人所難臥驅飛玉勒立騎轉銀
 鞍縱橫既躍劍揮霍復跳丸抑揚百獸舞盤踞五
 禽戲狡狴弄斑足巨象垂長鼻青羊跪復跳白馬
 迴旋騎一作駛忽覩羅浮起俄看鬱昌至峯嶺既崔
 嵬林叢亦青翠麋鹿一作麀下騰倚猴猿或蹲跂金
 徒列舊刻玉律動新灰甲萬垂陌柳殘花散苑梅
 繁星漸寥落斜月尚徘徊王孫猶勞戲公子未歸
 來共酌瓊酥酒同傾鸚鵡杯普天逢聖日兆庶喜
 康哉

展敬上鳳林寺

淨土連幽谷寶塔對危峯林栖丹穴鳳地邇白沙
 龍獨巖樓迥出複道閣相重洞開朝霧歛石濕曉
 雲濃高篠低雲益風枝響和鐘簷陰翻細柳澗影
 落長松珠桂浮明月蓮座吐芙蓉隱淪徒有意心
 迹未相從

從駕天池應詔

上聖家寰宇威畧振邊陲八維窮眺覽千里曳一作
 旌旗駕黿臨碧海控驥踐瑤池曲浦騰煙霧深

浪駭鯨螭

梅夏應教

長廊連紫殿細雨應黃梅浮雲半

拾遺作映

空上清吹

隔池來集鳳桐花散勝龜蓮葉開幸逢為善樂頻

降濟時才

人日思歸

入春纔七日離家已二年人歸落鴈後思發在花

前

夏晚

流火稍西傾夕影遍曾城高天澄遠色秋氣入蟬

聲

歲窮應教

故年隨夜盡初春逐曉生方驗從軍樂飲至入西

京

詠苔紙

昔時應春色引淥泛清流今來承玉管布字改銀

鈎

魏澹

字彥深鉅鹿下曲陽人博涉經史文詞瞻逸齊時為中書舍人周武平齊授納言中

言
卷之四
士隋高祖受禪爲散騎侍郎太子舍人遷著作郎

初夏應詔

雖度芳春節物色尚餘華
出簾飛小燕映戶落殘花
舞衫飄細縠歌扇掩輕紗
蘭房本宜夜不畏日光斜

詠階前萱草

綠草正含芳
羅靡映前堂
帶心花欲發
依籠葉已長
雲度時無影
風來乍有香
橫得忘憂號
余憂遂不忘

詠石榴

分根金谷裏
移植廣庭中
新枝含淺綠
晚萼散輕紅
影入環階水
香隨度隙風
路遠無由寄
徒念春闈空

園樹有巢鵲戲以詠之

畏玉心常駭
填河已窮夜
飛還繞樹朝
鳴且向風來寧
自伐識歲不論
功早晚時應至
輕舉一排空

詠桐

本求裁作瑟何用削成珪願寄華庭裏枝橫待鳳

棲

辛德源

字孝基隴西狄道人仕北齊歷散騎侍郎遷郎中齊滅仕周隋高祖受禪不得

調隱於林慮山中著幽居賦以自寄刺史崔夢武奏之謫從軍討南寧還牛弘薦脩國史

轉諮議
參軍卒

短歌行

馳射罷金溝戲笑上雲樓少妻鳴趙瑟侍妓轉吳
謳杯度浮香滿扇舉細塵浮星河耿涼夜飛月艷
新秋忽念奔駒促彌欣執燭遊

白馬篇

任俠重芳辰相從競逐春金羈絡赭汗紫縷

一作陌

應紅塵寶劍提

一作橫

三尺雕弓韜六鈞鳴珂蹀細

柳飛蓋出宜春遙見浮光

一作雲

發懸知上頭人

霹靂引

出地聲初奮乘乾威更作雲銜天笑明雨帶星精
落碎枕神無擾震楹書自若側聞吟白虎遠見飛

玄鶴

猗蘭操

詩已

卷之四 隋

言終
卷之四
奏事傳青閣拂除乃陶嘉散條凝露彩含芳映日
華已知香若麝無怨直如麻不學芙蓉草空作眼
中花

成連

列子曰伯牙
學琴於成連

征夫從遠後歸望絕雲端簑笠城踰壞霜落梅初
寒雪夜愁烽濕冰朝飲馬難寂寂長安信誰念客
衣單

芙蓉花

洛神挺凝素文君拂艷紅麗質徒相比鮮彩兩難

同光臨照波日香隨出岸風涉江良自遠託意在
無窮

浮遊花

樂府無名列芙蓉花之
後左克明作辛德源

窻中斜日照池上落花浮若畏春風晚當思秉燭
遊

東飛伯勞歌

合歡芳樹連理枝荆王神女乍相隨誰家妖艷蕩
輕舟含嬌轉眄騁風流犀棹蘭橈翠羽蓋雲羅霧
縠蓮花帶女兒年幾十六七玉面新妝映朝日落

詩經 卷之四
花從風俄度春空留可憐何處新

星名

邊稜昏高柳燿火照離宮明堂發三令勾陳集五
戎素扇一作羽麾全月朱旗引半虹虎落驚氛斂龍
城宿霧通擊鐘張大樂置酒宴羣公關山無復阻

車書方大同

柳詵

字顧言襄陽人初仕梁梁亡入隋為晉王諮議參軍仁壽初引為東宮學士詵俊辯嗜酒言雜俳諧為太子之所親狎

煬帝嗣位拜秘書監從幸江都卒
奉和晚日楊子江應制

詰旦金鏡發驂駕出城闈鮮雲臨葆蓋細草藉班
輪千里煙霞色四望江山春梅風吹落蘂酒雨減
輕塵日斜歡未畢睿想良非一風生疊浪起霧卷
孤帆出揆藻麗繁星高論光朝日空美鄒枚侶一作
舉終謝淵雲筆

奉和晚日楊子江應教

大江都會所長洲有舊名西流控岷蜀東汎邇蓬
瀛未覩織羅動先聽遠濤聲空濛雲色晦淡疊浪
華生欲知暮雨歇當觀飛旆輕

言
卷之四
奉和春日臨渭水應令

飲馬投錢岸解釣剖璜津風絲曳香餌覆杯懷昔人

詠死牛

一朝辭紺幘千里別黃河對衣徒下泣扣角詎聞

歌

陽春歌

春鳥一轉有千聲春花一叢千種名旅人無語坐

一作簷楹思鄉懷土志難平唯當文共酒暫與興

相迎

牛弘

字里仁安定鶉觚人開皇初授秘書監封奇章郡公後進位右光祿大夫大業六年

從幸卒於江都

奉和冬至乾陽殿受朝應詔

恭已臨萬寓宸居御八埏作貢菁茅集來朝圭黻

連司儀三揖盛掌禮九賓虔重欄映如璧複殿繞

非煙

許善心

字務本高陽北新城人起家新安王法曹陳貞明二年加通直散騎常侍聘於

隋遇高祖伐陳留繫賓館聞陳亡衰服號哭詔就館拜官善心伏位受命高祖顧左右曰

言終
卷之四
三
我平陳國唯獲此人遷虞部侍郎爲秘書攝
太常預議定禮樂及煬帝爲宇文化及所弑
善心以不
屈遇害

奉和賜詩

帝道屬昇平天文預觀象茲生荷化育博施多含
養正始振皇風端居留眷想夕拜參近侍朝恩濫
弘獎溫樹貴不言克艱庶無爽

奉和還京師

重光闡帝圖肆覲荷來蘇卜洛連新邑因秦還舊
都雷警三辰衛星陳七萃驅從風折鳳羽曜日拖
魚鬚憲章殫禮樂容服備車徒迴鑿入鄴鎬從蹕
度枌榆冉冉年和變遲遲節物徂餘花照玉李細
葉翦珪梧朝夕萬國湊海會百川輸微生逢大造
倏忽改榮枯

於太常寺聽陳國蔡子元所校正聲樂

維陽成禮樂治定昔君臨克庭觀樹羽之

一作帝

仰撻金旣因鐘石變將隨河海沈湛露廢還序承
風絕復尋袞章無舊迹韶夏有餘音澤竭英莖散
人遺憂思深悲來未減瑟淚下正聞琴詎似文侯

崑丘本難陟軒臺不易朝還往麟洲上時聽鳳凰
簫霞觀文犀簞香林碧玉條且學燒丹甌何假摘
靈桃

夜作巫山

荆門秋水急巫峽斷雲輕若為教月夜長短聽猿
聲

于仲文

字次武起家為周趙王屬東郡太守隋高祖受禪教擊胡有功拜太子右衛率
煬帝時遷大將軍遼東之敗諸將皆委罪仲文帝怒繫之因發病卒

侍宴東宮應令

銅樓克震位銀榜集嘉賓青宮列緝幘紫陌結朱
輪絃調寶瑟曲歌動畫梁塵金卮傾斗酒瓊筵列
八珍花驚度翠羽萍散躍頰鱗承恩叨竝作扣
和 寂繞陽春

荅譙王

按北史譙孝王儉周文帝子也

梧臺開廣宴竹苑列英賢景差方入楚樂毅始遊
燕折角揮談柄重席吐言泉武騎初擄翰文學正
題鞭玉徽調綠綺璧散沉青田晚霞澹遠岫落景
藻長川未陪東閣賞獨詠西園篇

虞世基

字茂世會稽餘姚人博學有高才仕陳歷尚書左丞入隋為通直郎直內史省

煬帝即位顧遇彌隆帝遊幸江都時天下大亂世基雖居近侍唯諾取容郡縣兵敗不敢以聞及宇文化及弑逆世基亦遇害

出塞二首

和楊素

窮秋塞草腓塞外胡塵飛徵兵廣武至候騎陰山
歸廟堂千里策將軍百戰威轅門臨玉帳大旆指
金微摧朽無勅敵應變有先機銜枚壓曉陣卷甲
解朝圍瀚海波瀾靜王庭氛霧晞鼓鼙嚴朔氣原
野曠寒暉勲庸震邊服歌吹入京畿待拜長平坂

鳴騶入禮圍

上將三畧遠元戎九命尊緬懷古人節思酬明主

恩山西多勇氣塞北有遊魂揚桴度一作隴坂勒

騎上一作下平原誓將絕沙漠悠然去玉門輕齋不

遑舍驚策驚戎軒慄慄邊風急蕭蕭征馬煩雪暗

天山道冰塞交河源霧烽黯無色霜旗凍不翻取

介倚長劔日落風塵昏

奉和幸江都應詔

藝文作虞世基初學作虞茂

巡遊光帝典征吉乃先天澤國翔宸駕水府泛樓

言終
卷之五
三
船七萃縈長薄三翼亘通川夙典大昕始求衣昧
旦前澄瀾浮曉色遙林卷宿煙晨霞稍含景落日
漸虧弦迴塘響歌吹極浦望旌旃方陪覲東后登
封禪肅然

汴水早發應令

夏山朝萬國軒庭會百神成功疇與讓盛德今爲
隣區宇屬平一庶類仰陶鈞鑿蹕臨河濟裘冕肅
柴禋啓行分七萃備物象三辰祈祈亘原隰濟濟
咸縉紳陽谷升朝景青丘發早春衮衣敷帝則分
器叙彞倫臨淄成誦美河間雅樂陳薰風穆已被
茂實久愈新

秋日贈王中舍

秦關望吳苑渭浹去江濱天漢星躔絕山川地角
分百年變朝市千里異風雲雙鴛難可贈別鶴不
相聞忽值從遊士玳簪光素履歡言悅鄭郊雪泣
悲燕市契闊論談笑慙慙訪生死思君在一方無
由同四美尺素乃云披投瓊慰久離雲開縹錦散
霞照綠緹披相思歎河廣相望阻天垂贈言方杜

若握手代萱枝伊昔風期早金蘭信為寶去來金
馬門留連鬪鷄道鷲嶺訪三禪商山追四皓勝地
俱遊息披文遞論討虛薄忝官聯喬木遂同遷濯
纓升博望閣一作飛步入崇賢高軒照流水長劍聳
秋蓮南風忽不競東海遂成田喧喧狹斜路隱隱
平陵樹鳳闕駿西臨星橋耿南注五方多異俗四
海皆行路士衡嗟苦辛德璉傷流寓鞏洛重行行
寓目盡傷情太行臨北絳函谷拒西京雀書圖久
滅龍文鼎遂輕凌雲餘構盡濛汜曲池傾一作平徘徊

徊殊未極惆悵空雲纓伊川忽會面留連展言宴
東西一背飛翻然成異縣哀哉人道促痛矣嗟埋
玉稽生顧影琴裴子飄風燭摧茲激水意頓此浮
雲足棄置勿重陳難終唯此曲漢陽趙元淑薛縣
雍門周清文寧解病妙曲反增愁翳翳神逾伏慄
慄歲方道雙嶠飛暗雨八水凍寒流蘭枯芳草歇
槐古憶前秋江干不可望徒此歎離憂

在南接北使初學記作虞茂

會玉二嶠至瑞節三秦歸林蹕踈欲盡江鴈斷還

詩經 卷之五 五
飛墻垣崇客館旌蓋入王畿共此敦封植方欣薦
紵衣

初渡江

歛策暫迴首掩涕望江濱無復東南氣空隨西北
雲

零落桐

零落三秋幹摧殘百尺柯空餘半心在生意漸無
多

晚飛鳥

向日晚飛低飛飛未得栖當爲歸林遠恒長侵夜
啼

賦得戲燕俱宿

大厦初構與雲齊歸燕雙入正銜泥欲繞歌梁向
舞閣偶爲仙履往蘭閨千里爭飛會難竝聊向吳
宮比翼栖

虞茂

按隋史無虞茂虞世基字茂世此或世基詩也觀諸集多以二名互載亦可見

奉和望海

清蹕臨溟漲巨海望滔滔十州雲霧遠三山波浪

詩經 卷之五 六
高長瀾疑浴日連島類奔濤神遊藐姑射睿藻冠
風騷徒然雖觀海何以効涓毫

賦昆明池一物得織女石

隔河圖列宿清漢象昭回支機就鯨石拂鏡取池
灰船疑海槎渡珠似客星來所恨雙娥歛逢秋遂
不開

賦得石

蜀門鬱遐阻燕碣遠參差獨標千丈峻共起百重
危鏡峰含月魄蓋嶺逼雲枝徒然抱貞介填海共

誰知

衡陽王齋閣奏妓

金溝低御道玉管正吟迎一作風拾翠天津上迴鸞

鳥路中鏡前看月近歌處覺塵空今宵織女見言
是望仙宮

奉和幸太原輦上作應詔

唐巡光帝則夏務穆宸儀珠旗揚翼鳳玉獸儼丹
螭流吹和春鳥交弄拂花枝闕

入關

詩彙作庚
信者非

隴雲低不散黃河咽復流關山多道里相接幾重愁

四時白紵歌二首

和煬帝

江都夏

長洲茂苑朝夕池映日含風結細漪坐當伏檻紅蓮披雕軒洞戶青蘋吹輕幌芳煙鬱金馥綺簷花
簞桃李枝蘭苕翡翠但相逐桂樹鴛鴦恒竝宿

長安秋

露寒臺前曉露清昆明池水秋色明搖環動珮出

層城鳴弦鳳管奏新聲上林蒲桃合縹緲甘泉竒樹上葱青玉人當歌理清曲婕妤恩情斷還續

虞世南

字伯施世基弟也性沈靜寡欲文章婉縉慕徐陵陳至德初除西陽王友陳滅

與兄世基同入隋世基辭章清勁過世南而瞻博不及時人以方二陸大業中累至秘書郎煬帝雅愛其才然疾峭正十年不徙後入唐累官秘書監○世南在唐有集今不備錄錄其作於隋者爾

奉和月夜觀星應令

早秋炎景暮初弦月彩新清風滌暑氣文露淨囂塵蕩霧銷輕縠鮮雲卷夕鱗休光灼前耀瑞彩接

重輪緣情摘聖藻竝作命徐陳宿草誠渝濫吹噓
偶縉紳天文豈易述徒知仰北辰

奉和至壽春應令

英華作奉和
長春宮應令

瑤山盛風樂南巡務逸遊如何事巡撫民瘼諒斯
求文鶴揚輕蓋蒼龍飾桂舟汎沫縈沙嶼寒澌擁
急流路指八仙館途經百尺樓眷言昔遊踐迴駕
且淹留後車喧鳳吹前旌映綵旒龍驂駐六馬飛
閣上三休調諧金石奏歡洽羽觴浮天文徒可仰
何以廁琳球

追從鑾輿夕頓戲下應令

重輪依紫極前耀奉丹霄天經戀宸扈帝命扈仙
鑣乘星開鶴禁帶月下虹橋銀書含曉色金輅轉
晨颺霧徹軒營近塵暗斗城遙蓮花分秀萼竹剪
下驚潮撫已慙龍翰承恩集鳳條瑤山盛風樂抽
簡薦徒謠

奉和幸江都應詔

英華作虞世南藝文作
世基或誤也世基別有

一首

南國行周化稽山秘夏圖百王豈殊軌千載協前

謨肆覲遵時豫順動悅來蘇安流進玉舳一作畫舳戒
道翼金吾龍旂煥辰象鳳吹溢川塗封唐昔敷錫
分陝被荆吳沐道咸知讓慕義久成都冬律初飛
管陽鳥正銜蘆嚴飈肅林薄暖景澹江湖鴻私浹
幽遠厚澤潤凋枯虞琴起歌詠漢筑動巴歛多幸
霑行葦無庸類散樗

奉和獻歲讌宮臣

履端初起節長苑命高筵肆夏喧金奏重潤響朱
絃春光催柳色日彩泛槐煙微臣同濫吹謬得仰

鈞天

奉和出穎至淮應令

良晨喜利涉解纜入淮潯寒流泛鷁首霜吹響哀
吟潛鱗波裏躍水鳥浪前沈邗溝非復遠悵望悅
宸襟

虞綽

字士裕會稽餘姚人仕陳為太學博士大業初轉秘書學士遷著作郎常居禁中以文翰待詔後坐與楊玄感交往徙於邊亡匿為吏所執被刑

於婺州被囚

比史本傳曰綽被徙至長安而亡潛度變姓名遊東陽抵信安令辛大德大德

舍之歲餘縛與人爭田相訟
有識縛者而告竟為吏所執

窮達雖有命逋逃誠負累背恩已偷生臨危未能

死得

初學
作待

罪既不測中心悵無已厚顏羞朋友囚

心愧妻子聖日始東扶徂年迫西汜方違盛明代

永向幽泉裏況當此春節物候驚田里桃蹊日影

亂柳逕秋

疑作
和

風起動植皆順性嗟余獨淪耻投

筆不重陳此情寄知己

詩紀卷之一百二十四

詩紀卷之一百二十五

隋六

諸葛穎

字漢丹陽建康人起家梁邵陵王叅軍
侯景之亂奔齊待詔文林館遷太子舍

人入隋晉王廣引為叅軍及王即帝位
遷著作郎甚見親倖從駕北巡卒於道

奉和月夜觀星

窈窕神居遠蕭條更漏深薄煙淨遙色高樹肅清

陰星月滿茲夜燦爛還相臨連珠欲東上團扇漸

西沉澄水含斜漢脩樹隱橫參時聞送籌柝屢見

繞枝禽聖情記餘事振玉復鳴金

奉和方山靈巖寺應教

名山鎮江海梵宇駕風煙
畫拱臨松蓋鑿牖對峰
蓮雷出階基下雲歸梁棟前
靈光辨晝夜輕衣數
劫年一陪香作食長用福為田

奉和出潁至淮應令

一作應詔

涉潁倦紆迴浮淮欣迥直
遙村含水氣遠浦澄天
色靈濤稍欲近仙巖行可識
玄覽屬睿辭風雲有
餘力

奉和通衢建燈應教

芳衢澄夜景法炬爛參差
逐輪時徙燄桃花生落
枝飛烟繞定室浮光映瑤池
重閣登臨罷歌管乘
空移

賦得微雨東來應教

陶淵明讀山海經詩微雨從東來好風與之俱

微雨闇東峰散漫洒長松
澗滿新流濁山霑積翠
濃風起還吹燕雲來本送龍
登年隨玉燭名山定
可封

春江花月夜

和煬帝

張帆渡柳浦結纜隱梅洲月色含江樹花影覆船樓

孫萬壽

字仙期信都武強人在齊奉朝請隋高祖受禪滕穆王引為文學坐事配防江南後歸鄉里為齊王文學終於大理司直

遠戍江南

一作城

寄京邑親友

隋書本傳曰萬壽為滕穆王文學坐衣冠不整配防江南宇文述召典軍書鬱鬱不得志為五言詩寄京邑知友盛為當時之所吟誦

賈誼長沙國屈平

一作原

湘水濱江南瘴癘地從來

多逐臣粵余非巧宦少小拙謀身欲飛無假翼思

鳴不值晨如何

一作誰言

載筆士翻作負戈人飄飄如

木偶棄置同芻狗失路乃西浮非狂亦東走晚歲

出函關方春度京口石城臨虎據天津望牛斗牛

斗盛妖氛梟獍已成群郗超初入幕王粲始從軍

裹糧楚山際披甲吳江濱吳江一浩蕩楚山何糾

紛驚波上濺日喬木下臨雲繫越恒資辯喻蜀幾

飛文魯連唯救患吾彥不爭勲

英華作唐彬不競勤註云晉書唐彬

知孫皓將至遲留以示不競今隋書作吾彥不爭勲按吾彥乃降將無不爭功事未詳

羈遊

歲月久歸思常搔首非關不樹萱豈為無杯酒數

載辭鄉縣三秋別親友壯志後風雲衰髮先蒲柳
 心緒亂如絲空懷疇昔時昔時遊帝里弱歲逢知
 已旅食南館中飛蓋西園裏河間本好書東平唯
 愛士英辯接天人清言洞名理一作歡娛承帝子鳳池時
 寓直麟閣常遊止勝地盛賓僚麗景相携招舟汎
 昆明水騎指渭津橋袂除臨灞岸供帳出東郊宜
 城醞始熟陽翟曲新調繞樹鳥啼夜雒麥雉飛朝
 細塵梁下落長袖掌中嬌懽娛三樂至一作流連三雅至
 懷抱百憂銷夢想猶如昨尋思久寂寥一朝牽世

網萬里逐波潮迴輪常自轉懸旆不堪搖登高視

一作山川想衿帶鄉關白雲外迴首望孤城愁人益不

平華亭宵鶴唳幽一作函谷早鶯鳴斷絕心難續倘

恍魂屢驚群紀通家好一作契鄒魯故鄉情若一作倘

值南飛鴈時能一作希訪死生篇內凡言一作皆出文苑英華

答楊世子

太華五千仞長河九萬里山川每蘊玉人物多君
 子丞相朝所宗太尉國之紀若人惟傑出濟世承
 餘祉趨庭遵教義博物兼文史竒聲振宛洛雅論

窮名理伊余苦疲病寂寞罕賓遊不言驅駟馬於
焉訪一丘縞紵始云贈膠漆乃相投伏枕空長想
驂蹇遂無由忽此承來翰華藻殊輝煥雖則濫吹
噓可以蠲憂歎懷袖終不滅掌握方留翫和風初
應律山鶯已復新芳菲徒自好節物不關人勞歌
雖有曲無以報陽春

別贈

昔我遊雲閣及爾謬同官高步叅師友長裾接綺
紈索居方十載相思勞萬端不言今夕遇得盡故
人歡酒隨彭澤至琴卽武城彈高齋屏餘熱珍簞
宿輕寒葉落霜威重萸疎月色殘將歸動離恨彌
傷行路難

和張丞奉詔於江都望京口

回首觀濤處極望滄海湄流波去無限喬木不勝
悲蓬萊雖已變池塘尚所思歸飛路窮此悵望情
難持吾生乃民季疇日佐藩維尚想西園夕猶懷
北固時城邑纔辨處風煙忽何之跂予未能已顧
嘆空遲遲

和周記室遊舊京

詩苑類選作周若水者非

大夫愍周廟王子泣殷墟自然心斷絕何關繫慘
舒僕本漳濱士舊國亦淪胥紫陌風塵起青壇冠
蓋疎臺留子建賦宮落仲將書譙周自題柱商容
誰表閭聞君懷古曲同病亦漣如方知周處歎前
後信非虛

行經舊國

蕭條金闕遠悵望羈心愁舊邸成三逕故園餘一
丘庭引田家客池泛野人舟日斜山氣冷風近樹
聲秋弱年陪宴喜方茲更獻酌脩竹慚詞賦叢桂
且淹留自忝無員職空貽不調羞武騎非吾好還
思江漢遊

庭前枯樹

英華作孫萬壽庚信集誤載

當時金谷裏昔日平陵東布葉俱承露開花共待
風搖落一如此容華遂不同庭前生意盡井上蠹
心空匠者無勞顧擁腫難為功

早發揚州還望鄉邑

鄉關不再見悵望窮此晨山煙蔽鍾阜水霧隱江

津洲渚歛寒色杜若變芳春無復歸飛羽空悲沙
塞塵

東歸在路率爾成詠

學宦兩無成歸心自不平故鄉尚千里山秋猿夜
鳴人愁慘雲色客意慣風聲羈恨雖多緒俱是一
傷情

王脊

字元恭瑯琊臨沂人筠之孫也博學多通少有成名於江左仕陳歷太子洗馬中舍人陳亡與胃俱為學士煬帝即位授秘書郎

七夕二首

天河橫欲曉鳳駕儼應飛落月移粧鏡浮雲動別
衣懽逐今宵盡愁隨還路歸猶將宿昔淚更上去
年機
終年恒弄杼今夕始停梭卻鏡看斜月移車渡淺
河長裙動星珮輕帳揜雲羅舊愁雖暫止新愁還
復多

王胄

字承基脊之弟少有逸才仕陳起家鄱陽王法曹參軍太子舍人東陽王文學陳滅晉王引為學士大業初為著作佐郎楊玄感敗胄坐交遊與虞綽俱徙邊胄亡匿江左為吏所捕坐誅

白馬篇

白馬黃金鞍

一作鞭

蹀躞柳城前問此何鄉客長安

惡少年結髮從戎事馳名振朔邊良弓控繁弱利

劍揮龍泉

一作淵

披林扼彫虎仰手接飛鳶前年破

沙漠昔歲取祁連折衝摧右校搴旗殪左賢昆彌

還謝力

昆樂府作虎左傳狄虎彌所謂有力如虎者也

慶忌本推儂海外

平遐險來庭識負褰三韓勞薄伐六事指幽燕良

家選河右猛將征西山浮雲屯羽騎蔽日引長旄

自矜有餘勇應募忽爭先王師已得雋夷首失求

一作諒失

全鼓行狗玉檢乘勝蕩朝鮮志勇期功立寧

憚微軀捐不羨山河賞誰希竹素傳

西園遊上才

樂府無名在王曹後

沈約詠月詩曰高樓切思婦西園遊上才

西園遊上才清夜可徘徊月桂臨樽上山雲影蓋

來飛花隨燭度疎葉向帷開當軒顧應阮還覺賤

鄒枚

棗下何慕慕二首

柳黃知節變草綠識春歸複道含雲影重簷照日

言系
卷之六
九
輝

御柳長條翠宮槐細葉開還得聞春曲便逐鳥聲來

燉煌樂二首

長途望無已高山斷還續意欲此念時氣絕不成曲

極目眺脩塗平原忽超遠心期在何處望望崦嵫晚

紀遼東二首

遼東沮水事龔行俯拾信神兵欲知振旅旋歸樂
爲聽凱歌聲十乘元戎纔渡遼扶濊巴冰消詎似
百萬臨江水按轡空迴鑣
天威電邁舉朝鮮信次卽言旋還笑魏家司馬懿
迢迢用一年鳴鑿詔蹕發淆潼合爵及疇庸何必
豐沛多相識比屋降堯封

奉和賜餉

詩彙作煬
帝者非

隋書本傳曰煬帝自東都還京師賜天下大酺四日爲五言詩詔群官詩成者奏之帝覽胄詩而善之謂侍臣曰氣高致遠歸之於胄詞清體潤其在世基意

密理新惟度自直過此者未可以言詩也帝所有篇什多令繼和與虞綽齊名同志友善于時後進之士咸以二人為準的

河洛稱朝市峻函實奧區周營曲阜作漢建奉春
謨大君苞二代皇居盛兩都招搖正東指天駟迺
西驅展軫齊玉軼式道耀金吾千門駐罕畢四達
儼車徒是節春之暮神臯華實敷皇情感時物睿
思屬粉榆詔問百年老恩隆五日醑小人荷鎔鑄
何由答大鑪

奉和悲秋應令

秋天擬文學秋水擅莊蒙草濕蒹葭露波卷洞庭
風便坐翻桑葉長坂歇蘭蕖簷喧猶有鷺陂靜未
來鴻蟬噪聞疑斷池清映似空劉安悲落木曹植
歎征蓬重明豈凝滯無累在淵冲隨時四序合應
物五情同發言形惻隱睿作挺神功下材均朽木
何以慕彫蟲

文苑英華註曰此篇前五韻見初學記作蕭愨秋日詩文苑一百五十八卷復云庾信作而一百七十九卷乃十韻共題王胄作觀其辭意只是一篇當以十韻為正

言反江陽寓目灞浹贈易州陸司馬

遊人賣藥罷徐步反江干行吟灞陵岸迴首望長

言終 卷之六
安晨華照城闕參差復鬱盤千門含日麗萬雉映
霞丹雲開承露掌吹動相風竿遊童輕薄少鮮服
鷄鷄冠花開傳粉晏塵起副車韓屢投雙飛劍曾
操兩色丸挂玉耍遊女彈珠落矯翰信美非吾樂
何事久盤桓欲動南登詠還謠北上難眷言思舊
友徂遠路漫漫燕隲望楚服天際與雲端棹發吳
濤上荆歌易水寒十年阻風月萬里別金蘭心期
竟何許懷抱日摧殘容華冉冉謝衣帶朝朝寬盛
憲寧延壽劉琨自少歡宿昔均取捨同波豈異瀾

贈言不盡意擲筆起長歎

酬陸常侍

相知四十年別離萬餘里君留五湖曲余去三河
渙寒松君後凋溺灰余僅死何言西北雲復覲東
南美深交不忘故飛觴敦宴喜贈藻發中情竒音
邁流徵追惟中歲日於斯同憇止思之宛如昨倏
焉逾二紀疇昔多朋好一旦埋蒿里無人莫已知
有慟傷知己把臂還相泣巋然吾與子霑襟行自
念哀哉亦已矣吾歸在漆園著書試詞

經一作理勞

言終
卷之六
息乃殊致存亡寧異軌大路不能遵咄哉情可鄙
答賀屬

外黃初邸客蜀郡晚琴聲本欲從張耳何曾說馬
卿定知遊道日非是第如行高文擬雜珮善謔間
瑤瓊前書言家室未叙挂簪纓問仁寧伐國揚波
豈亂清聞有陽臺客一作曲常留入夢情無為一作由
嗟獨割空引助庖名

臥疾閩越述淨名意并序

余臥疾閩海彌留旬朔善友顒法師勸余以淨

名妙典調伏身心力疾粗陳其意敬簡法師云

爾

客行萬餘里眇然滄海上五嶺常炎鬱百越多山
瘴兼以勞形神遂此嬰疲恙桐雷邈已遠砭石良
難訪抱影私自怜霑襟獨惆悵毗城有長者生平
夙所尚復藉大因緣勉以深迴向心路資調伏於
焉念實相水沫本難摩軋城空有狀是生非至理
是我皆虛妄求之不可得誰其受業障信矣大醫
王茲力誠難量

別周記室

五里徘徊鶴三聲斷絕猿何言俱失路相對泣離樽別意悽無已當歌寂不喧貧交欲有贈掩涕竟無言

賦得鴈送周員外戍嶺表

旅鴈別衡陽天寒關路長行斷由驚箭聲嘶爲犯霜
雁繳無人憫能鳴反自傷何如侶汎汎刷羽戲方塘

爲寒牀婦贈夫

月淨閨偏冷更深夜轉長霜紈猶掩扇露縠未飄香
解帶慙連理引被愧鴛鴦誰能未相識還爲守空牀

雨晴

初晴物候涼夕景照山莊殘虹低飲澗新溜上侵塘
風度蟬聲遠雲開鴈路長

闕

詩紀卷之一百二十五

詩紀卷之一百二十六

隋七

徐儀

東海鄉人陵之第三子少聰警仕陳位尚書殿中郎入隋煬帝召為學士尋除著作

郎佐

暮秋望月示學士各釋愁應教

碣石寒光遠

秋色高長洲正下葉曲岸已飛

濤君王悵晚節延佇謁神臯復屬西園夜輕輦暫
遊遨遊遨未云賞蒼茫孤月上枝間影合離波上
光來往此夕未央宮應照仙人掌掌高明轉淨夜

深留睿想處處敞高局流照滿珠庭重輸入雅曲
合璧應祥經燦爛浮珠網參差間玉星山幽有芳
桂林靜發新萸萸開布帝城分枝共月明斜暉漸
西落彌軫歸情驂駕且來遊聖藻命舒愁詢芻
以蠲病參妙本難酬良史稱天閔因時命應劉楚
王追綠兕齊后出青丘馳原落雲翼截水曳吞舟
無勞子虛咤卽事可忘憂

庾自直

頽川人仕陳歷豫章王外兵參軍記室大業初授著作佐郎解屬文於五言詩尤善特爲帝所愛宇文化及作逆與之北上感激發病卒

初發東都應詔

二龍承玉軸萬騎翊林塘縱觀此何事巡駕幸淮
揚伊雒山川轉江河道路長照日秋原淨分花曲
水香稻梁叨歲月羽翮仰恩光後塵歸舊里還如
仙鶴翔

元行恭

比齊後主時爲省右戶郎待詔文林館同撰御覽

秋遊昆明池

江總薛道衡皆有此詩

旅客傷羈遠樽酒慰登臨池鯨隱舊石岸菊聚新
金陣低雲色近行高鴈影深欹荷瀉圓露臥柳橫

清陰衣共秋風冷心學古灰沉還似無人處幽蘭
入雅琴

過故宅

頽城百戰後荒宅四鄰通將軍樹一作已折步兵

途轉窮吹臺有山鳥歌庭暝野蟲草深斜徑沒水

盡曲池空林中滿明月是處來春風唯餘一廢井

尚夾兩株桐

尹式

河間人博學解屬文少有令聞仁壽中官至漢王記室漢王敗式自殺

送晉熙公別

太行君失路扶搖我退飛無復紅顏在空持一作將

白首歸色移三代服塵化兩京衣道窮方識命事

去乃知非西候追孫楚南津送陸機雲薄鱗逾細

山高翠轉微氣隨流水咽淚逐斷絃揮但令寸心

密隨意尺書稀

別宋常侍

遊人杜陵北送客漢川東無論去與住俱是一飄

蓬秋鬢含霜白衰顏倚酒紅別有相思處啼鳥雜

夜風

劉斌

南陽人之遴之孫有詞藻官至信都司功書佐竇建德署為中書舍人建德敗復為

劉黑闥中書侍郎與黑闥亡歸突厥不知所終

和謁孔子廟

一作李百藥

性與雖天縱主世乃無由何言泰山毀空驚逝水流及門思往烈入室想前修寂寞荒堦暮摧殘古木秋遺風暖如此聊以慰蒸求

和許給事傷牛尚書

弘

名臣不世出百工之所求况乃非常器遭逢典運秋符彩照千里銓衡綜九流經綸資博物樽俎寄

皇猷韶護傾復理典禮紊還修雖貞棟梁任兼好藝文游佇聞和鼎實行當奉介丘高衢翻稅駕閱水遽遷舟傳呼更何日曳履聞無由歸魂藐脩路征棹艤邗溝林薄長風慘江上寒雲愁夜臺終不曙遺芳徒自留

送劉員外同賦陳思王詩得好鳥鳴高枝

春林已自好時鳥復和鳴枝交難奮翼谷靜易流聲間關纔得性繒繳遽相驚安知背飛遠拂霧獨晨征

詠山

靈山峙千仞蔽日且嵯峩紫蓋雲陰遠香爐烟氣
多石梁高鳥路瀑水近天河欲知聞道里別自有
仙歌

孔德紹

會稽人有清才官至景城縣丞實建德
稱王署爲中書令專典書檄建德敗伏

誅

南隱遊泉山

名山狎招隱俗外遠相求還如倒景望忽似聞風
遊臨崖俯大壑披霧仰飛流歲積松方偃年深椿

欲秋野花開石鏡雲葉掩山樓何須問方士此處
卽瀛洲

行經太華

紛吾世網暇靈岳展幽尋寥廓風塵遠杳冥川谷
深山昏五里霧日落二華陰疎峯起蓮葉危塞隱
桃林何必東都外此處可抽簪

夜宿荒村

綿綿夕漏深客恨轉傷心撫絃無人聽對酒時獨
斟故鄉萬里絕窮愁百慮侵秋草思邊馬遶枝驚

詩經
卷之七
五
夜禽風度谷餘響月斜山半陰勞歌欲叙意終是
白頭吟

王澤嶺遭洪水

地籟風聲急天津雲色愁悠然萬頃滿俄爾百川
浮還似金堤溢翻如碧海流驚濤遙起鷺迴岸不
分牛木梗誠無託蘆灰豈暇求徒知懷趙景終是
倦陽侯思得乘槎便蕭然河漢遊

諸本徒知懷趙景二句在木梗

二句前今從唐詩品彙更正

登白馬山護明寺

名岳標形勝危峯遠鬱紆成象建環極大壯闡規
模層臺聳靈鷲高殿邇陽烏暫同遊閬苑還類入
仙都三休開碧題一作嶺萬戶洞金鋪攝心罄前禮
訪道挹中虛一作衢遙瞻盡地軸長望極天隅白雲
起梁棟丹霞映拱樞露花疑濯錦泉月似沉珠今
日桃源客相顧失歸塗

送舍利宿定晉巖

仁祠表虛曠祇園展肅恭栖息翠微嶺登頓白雲
峯映流看夜月臨風聽曉鍾澗芳十步草崖陰百

言終 卷之七 六
丈松蕭然遙路絕無復市朝蹤

觀太常奏新樂

大君膺寶曆出豫表功成鈞天金石響洞庭絃管
清八音動繁會九變叶希聲和雲留睿賞薰風悅
聖情盛烈光韶濩易俗邁咸英竊吹良無取率舞
抃輕生

和孔侍郎觀太常新奏樂 卞斌

昔人夢上一作帝尚喜頌鈞天況茲開景業作
樂武功宣大雅廢還理乘風毀更懸中和誠易

擬韶夏詎相沿捷爲一作磬響徹嶰谷管聲傳

小臣濫清耳長奉南風絃

賦得涉江采芙蓉

蓮舟泛錦磧極目眺江干沿流渡楫易逆浪取花
難有霧疑川廣無風見水寬朝來採摘倦詎得久
盤桓

賦得華亭鶴詩彙作賀
澈者非

華亭失侶鶴乘軒寵遂終三山凌苦霧千里激悲
風心危白露下聲斷綵絃中何言斯物變翻復似

遼東

送蔡君知入蜀二首

知一作却

金陵已去國銅梁忽背飛
失路遠相送他鄉何日歸

靈關九折險蜀道二星遙
乘楂若有便希泛廣陵

潮

孔紹安

大業末為監察御史入唐拜內史舍人秘書監

結客少年場行

結客佩吳鉤橫行度隴頭
鴈在弓前落雲從陣後

浮吳師驚燧象燕將警奔牛
轉蓬飛不息冰河結未流
若使二邊定當封萬里侯

傷顧學士

迢遰雙嶠道超忽三川涓
此中俱失路思君不可思
遊人行變橘逝者遽焚芝
憶昔江湖上同詠子衿詩
何言陵谷徙翻驚隣笛悲
陳根非席卉總帳異書帷
與善成空說殲良信在茲
今日嚴夫子哀命不哀時

別徐永元秀才

金湯既失險玉石乃同焚墜葉還相覆落羽更爲
群豈謂三秋節重傷千里分促離絃易轉幽咽水
難聞欲識相思處山川間白雲

應詔詠天桃

結葉還臨影飛香欲徧空不意餘花落翻沉露井
中

石榴

可惜庭中樹移根逐漢臣只爲來時晚開花不及

春

唐詩紀事曰紹安大業末爲監察御史高祖爲
隋討賊河東紹安監其軍深見接遇高祖受禪

紹安自洛陽間行來奔拜內史舍人時夏侯端亦
嘗爲御史先來歸授秘書監紹安因侍宴詠石榴
有祗爲來時晚開
花不見春之句

落葉

早秋驚落葉飄零似客心翻飛未肯下猶言惜故
林

贈蔡君

疇昔同幽谷伊爾遷喬木赫奕盛青紫討論窮簡
牘

闕

岑德潤

南陽人父之敬博涉文史雅有辭筆
德潤有父風位中軍吳興王記室

詩已

卷之七

言系
卷之七
九
鷄鳴篇

鐘響應繁霜晨雞錦臆張簾迥猶侵露枝高已映
光排空下朝揭奮翼上花塲雨晦思君子關開脫
孟嘗既得依雲外安用集陳倉

賦得臨階危石

當階聳危石殊狀實難名帶山疑似獸侵波或類
鯨雲峯臨棟起蓮影入簷生楚人終不識徒自蘊
連城

詠灰

圖規暈不缺氣改律還虛欲燃愁獄吏棄道畏刑
書未得逢疆陣輕舉欲焉如

詠魚

劍影侵波合珠光帶水新蓮東自可戲安用上龍
津

陳子良

吳人在隋未有考入唐
為太子學士貞觀中卒

上之回

承平重遊樂詔蹕上之回屬車響流水清笳轉落
梅嶺雲蓋道轉巖花映綬開下輦便高宴何如在

言系
卷之七
瑶臺

新成安樂宮

春色照蘭宮
秦女旦牕中
柳葉來眉上
桃花落臉
紅拂塵開扇
匣卷帳却薰籠
衫薄偏憎日
裙輕更
畏風

春晚看群公朝還人爲八韻

遊子惜春暮
策杖出蒿萊
正直康莊晚
群公謁帝
迴履度南宮
至車從北闕
來珂影傍
明月笳聲動
落梅迎風采
眊轉照日綬
花開紅塵掩
鶴蓋翠柳

拂龍媒綺雲臨舞閣
丹霞薄吹臺輕肥寧所羨
未若反山隈

讚德上越國公楊素

君侯稱上宰
命世挺才英
本超騏驎足
復蘊風雲
情攄藻掞錦綺育
德潤瑤瓊已踵四
知舉非無三
傑名濟世同舟楫
匡政本阿衡雍容入
青瓊肅穆
侍丹楹桂宮擅鳴珮
槐路獨飛纓高門羅
虎戟綺閣麗彫甍
金罇酌湛湛歌扇掩
盈盈匈奴軼燕薊
烽火照幽并天子命
薄伐受賑事專征
七德播雄

言系 卷之七
畧十萬騁行兵 鴈行蔽虜甸 魚貫出長城 交河方
飲馬瀚海 盛揚旌 拔劍倚天外 象犀輝日精 彎弧
穿伏石 揮戈斬大鯨 鼓鼙朝作氣 刁斗夜偏鳴 六
郡多壯士 三邊豈足平 嶺雲朝合陣 山月夜臨營
胡塵暗馬色 芳樹動笳聲 關雲未盡散 塞霧常自
生 川長蔓草綠 峯迥雜花明 小人愧王氏 雕文慙
馬卿 濫此叨書記 何以謝過榮 高山徒仰止 終是
恨才輕 觀此知子民嘗
爲越公掌書記

夏晚尋于政世置酒賦韻

聊從嘉邈所 酌醴共抽簪 以茲山水地 留連風月
心長榆落照 盡高柳暮蟬 吟一返桃源 路別後難
追尋

入蜀秋夜宿江渚

我行逢日暮 弭棹獨維舟 水霧一邊起 風林兩岸
秋 山陰黑斷磧 月影素寒流 故鄉千萬一作里 外何
以慰羈愁

賦得妓

金谷多歡宴 佳麗正芳菲 流霞席上滿 迴雪掌中

言系
卷之七
飛明月臨歌扇行雲接舞衣何必挑將李別有待

一作春暉

送別

落葉聚還散征禽去不歸以我窮途泣沾君出塞

衣

七夕看新婦隔巷停車

此及下首初學記作陳子良玉臺新詠作陳伯材

時
隔巷遙停幰非復為來遲只言更尚淺未是渡河

詠春雪

中
光映妝樓月花承歌扇風欲妬梅將柳故落早春

於塞北春日思歸

亦是七言律體

我家吳會青山遠他鄉關塞白雲深為許羈愁長
下淚那堪春色更傷心驚鳥屢飛怕失侶落花一
去不歸林如何此日嗟遲暮悲來還作白頭吟

陳良

遊俠篇

英華作俠客行詩彙併入陳子良

洛陽麗春色遊俠騁輕肥水逐車輪轉塵隨馬足
飛雲影遙臨蓋花氣近薰衣東郊鬪鷄罷南皮射
雉歸日暮河橋上揚鞭惜晚暉

庾抱

仕隋爲元德太子學士唐高祖起兵太子
封隴西公以抱爲記室文檄皆出其手俄

爲東宮學士正
觀初徙趙王友

驄馬

櫪上浮雲驄本出吳門中發跡來東道長鳴起北
風迴鞍拂柱白赭汗類塵紅滅沒徒留影無因圖
漢宮

臥病喜霽開扉望月簡宮內知友

秋雨移弦望疲痾倦苦辛忽對荆山壁委照越吟
人高高侵地鏡皎皎徹天津色麗班姬篋光潤洛
川神輪暉池上動桂影隙中新懷賢雖不見忽似
暫參辰

別蔡參軍

人世多飄忽溝水易西東今日歡娛盡何年風月
同悲生萬里外恨起一杯中性靈如未失南北有
征鴻

賦得胥臺露

胥臺旣落構荆棘稍侵扉棟折連雲影梁摧照日
暉翔鷲遂不反巢燕反無歸唯有團階露承睫共
沾衣

和樂記室憶江水

遙想觀濤處猶意採蓮歌無因關塞葉共下洞庭
波

袁朗

雍州長安人在陳爲秘書郎累遷太子洗
馬德教殿學士入隋歷尚書儀曹郎後入

唐轉給
事中

和洗掾登城南坂望京邑

二華連陌塞九隴統金方奧區稱富貴重險擅雄
強龍飛灞水上鳳集岐山陽神臯多瑞跡列代有
興王我后膺靈命爰求宅茲土宸居法太微建國
資天府玄風隔黎庶德澤浸區宇醒醉各相扶謳
歌從聖主南登少陵岸還望帝城中帝城何鬱鬱
佳氣迺葱葱金鳳凌綺觀璇題敞蘭宮複道東西
合交衢南北通萬國朝前殿群公議宣室鳴珮含
早風華蟬曜朝日栢梁宴初罷千鍾歡未畢端拱

蕭巖廊思賢聽琴瑟逶迤萬雉列隱軫千間布飛
薨夾御溝曲臺臨上路處處歌鍾鳴喧闐車馬度
日落長楸間含情兩相顧是月冬之季陰寒晝不
開驚風四面集飛雪千里迴狐白登廊廟牛衣出
草萊詎知韓長孺無復重燃灰

秋日應詔

玉樹涼風舉金塘細柳萎葉落商飈觀鴻歸明月
池迎寒桂酒熟含露菊花垂一奉章臺宴千秋長
願斯

秋夜獨坐

律祖作邢邵者非

危絃斷客心虛彈落驚禽新秋百慮淨獨夜九愁
深枯蓬唯逐吹墜葉不歸林如何悲此曲坐作白
頭吟

崔信明

青州益都人疆記美文章隋大業中爲堯城令竇建德僭號招之不屈去隱太行山唐貞觀六年詔拜興勢丞遷秦川令

送金敬陵入蜀

敬疑作竟

金門去蜀道玉壘望長安豈言千里遠方尋九折
難西上君飛蓋東歸我挂冠猿聲出峽斷月彩落

江寒從今與君別花月幾新殘

明餘慶

平原鬲人克讓之子官至司門郎越王侗稱制為國子祭酒

從軍行

外編作塞上

三邊烽亂驚十萬日橫行風卷常山陣笳喧細柳

營劍花寒不落弓月曉逾明會取淮南

一作河西

地持

作朔方城

詠死鳥

暮空長罷噪箭急不知驚賴餘琴裏曲猶有夜啼

聲

柳莊

字思敬河東解人事梁主登及歸琮累遷太府卿梁廢入隋授開府儀同除給事黃門侍郎莊明習舊章雅達政事為時所重。樂府作陳人

劉生

座驚稱字孟豪雄道姓劉廣陌通朱邸大路起青樓要賢驛已置留賓轄且投光斜日下霧庭陰月

上鈎

杜公瞻

博陵曲陽人少好學有家風卒於安陽令初學記作松公瞻字之誤也文苑英

華可據

詠同心芙蓉

灼灼荷花瑞亭亭出水中一莖孤引綠雙影共分
紅色奪歌人臉香亂舞衣風名蓮自可念況復兩
心同

杜之松

公瞻之子大業中爲起居舍人唐貞觀中爲河中刺史

敬和衛尉于卿詠柳

漢將本屯營遼河有戍城大夫曾取姓先生曾得
名高枝拂遠鴈疎影度遙星不辭攀折苦爲入管
絃聲

王衡

太原晉陽人父操後梁時爲尚書令有七子衡最知名位中書黃門侍郎

翫雪

寒庭浮暮雪疑從千里來皎潔隨處滿流亂逐風
迴壁臺如始構瓊樹似新栽不待陽春節誰持一作
將競落梅

宿郊外曉作

梁詞人麗句

紅
殘星落簷外餘月罷窓東水白先分色霞暗未成

薛德音

薛收弟收與弟德音元敬齊名世號河東三鳳

悼亡

鳳樓簫曲斷桂帳瑟絃空畫梁纔照日銀燭已隨
風苔生履跡處花沒鏡塵中唯餘長簾月永夜何

朦朧

李密

字元遠隴西成紀人以蔭爲煬帝東宮千
牛備身楊玄感反遣人迎密密爲之籌策
爲隋軍所獲乃夜亡去變姓名爲劉智遠後
歸東郡賊翟讓讓推爲主建號魏公僭位於
鞏南與唐戰師潰歸高祖拜光祿卿
封邢國公後復謀叛爲盛彥師所誅

淮陽感秋

劉仁軌河洛記曰密來往諸賊帥之間
說以舉大計莫肯從者因作詩言志

金風颺初節玉露凋晚林此夕窮途士鬱陶傷寸

心眺聽良多感徙倚獨沾襟沾襟何所爲悵然懷
古意秦俗猶未平漢道將何冀樊噲市井屠蕭何
刀筆吏一朝時運合萬古傳名謚寄言世上雄
生真可愧

詩紀卷之一百二十六

詩紀

卷之七

隋

十七

詩紀卷之一百二十七

隋八

李巨仁

以下爵里無考

釣竿篇

潺湲面江海滉漾矚波瀾不惜黃金餌唯憐翡翠
竿斜綸控急水定檝下飛湍潭迴風來易川長霧
歇難寄言朝市客滄浪余自安

京洛篇

京洛類神仙藹藹却雲烟漸臺臨太液玉樹竝其

言系 卷之八
泉車喧平樂外騎擁濯龍前競結蕭朱綬爭攀李
郭船獨悲韓長孺死灰猶未燃

登名山篇

樂府失載名氏在梁武帝後詩彙作武帝詩誤也考文苑英華

作李巨仁

名山稱地鎮千仞上凌霄雲開金闕迥霧起石梁
遙翠微橫鳥路珠澗入星橋風急青溪晚霞散赤
城朝寓目幽棲地駕言追綺季避世桃源士忘情
漆園吏抽簪傲九辟脫屣輕千駟沉冥負俗心蕭
灑凌雲意蒼蒼聳極天伏眺盡山川疊峯如積浪

分崖若斷煙淺深聞度雨輕重聽飛泉採藥逢三
島尋真值九仙藏書凡幾代看博已經年逝將追
羽客千載一來旋

賦得方塘含白水

劉公幹雜詩方塘含白水中有鳧與鴈

白水溢方塘淼淼素波揚疊浪輕鳧影連漪寫鴈
行長堤柳色翠夾岸荇花黃觀魚自有樂何必在
濠梁

賦得鏡

魏公知本姓秦樓識舊名鳳從臺上出龍就匣中
生無波菱自動不夜月恒明非唯照佳麗復得厭
山精

弘執恭

劉生

英名振關右雄氣逸江東遊俠五都內去來三秦
中劍照七星影馬控千金驄縱橫方未息因茲定
武功

奉和出穎至淮應令

睿情欣逸賞臨泛入淮淝棹聲喧岸度颿影出雲
飛清流含日彩犇浪蕩霞暉還如漳水曲鳴笳啓
路歸

和平涼公觀趙郡王妓

小堂羅薦陳妙妓命燕秦娥眉疑假黛紅臉自含
春合舞俱回雪分歌共落塵齊等不可厠空願上
龍津

秋池一株蓮

秋至皆空一作虛落凌波獨吐紅託根方得所未肯

卽從風

卞斌

和孔侍郎觀太常新奏樂

昔人夢上帝尚喜頌鈞天况茲開景業作樂武功
宣大雅廢還理乘風毀更懸中和誠易擬韶夏詎
相延捷為一作泗濱磬響徹嶰谷管聲傳小臣濫清耳

長奉南風弦

王由禮

徐伯楊傳伯楊大建初與中記室李爽
記室張正見左戶郎賀徹學士阮卓黃
門郎蕭銓三公郎王由禮處士馬樞記室祖
孫登比部郎賀循長史劉刪等為文會友

驄馬

善馬金羈飾躡影復凌空影入長城水聲隨胡地
風鞞歛青門外珂喧紫陌中行行苦不倦唯當御

史驄

賦得馬援

二帝已馳聲五溪還總兵受詔金鞍動論功銅馬
成唯稱聚米勢無慙蕙苴情雖謝雲臺影猶傳千
載名

賦得岩穴無結構

左太冲招隱詩岩穴無結構丘中有鳴琴

岩間無結構谷處極幽尋
葉落秋巢迥雲生石路深
早梅香野徑清澗響丘琴
獨有栖遲客留連芳杜心

賦得高柳鳴蟬

園柳吟涼久嘶蟬應序驚
露下綏恒濕風高翅轉輕
葉疎飛更迥秋深響自清
何言枝裏翳遂入蔡琴聲

魯范

神仙篇

王遠尋仙至樂巴訪術迴
乘空向紫府控鶴下蓬萊
霜分白鹿駕日映流霞杯
煎金丹未熟醒酒藥初開
乍應觀海變誰肯畏年頽

送別

英華作魯範

去留雖有異失路與君同
何如拔心草還逐斷根蓬
殷英童

採蓮曲

言系 卷之八 五
蕩舟無數伴解纜自相催汗粉無庸拭風裙隨意
開棹移浮荇亂船進倚荷來藕絲牽作縷蓮葉捧
成杯

胡師耽

登終南山擬古

拾遺作李德林者非

結廬終南山西北望帝京烟霞亂鳥道劣見長安
城宮雉互相映雙闕雲間生鍾鼓沸閭闔笳管咽
承明朱閣臨槐路紫蓋飛縱橫望望未極已甕牖
秋風驚崑岫草木黃飛鴈遺寒聲墜葉積幽徑繁
露垂荒庭瓮中酒新熟澗谷寒蟲鳴且對一壺酒
安知世間名寄言市朝客同君樂太平

陳政

一作正

贈竇蔡二記室入蜀

崑山積良寶大厦構衆材馬卿委官去鄒子背淮
來風流信多美朝夕豫平臺逸翮獨不群清才復
道上六輔昔推名二江今振嚮響通英華雖外發磨
琢終內朗四海奮羽儀清風久播馳疑闕沉鬱材難
厠青山翻易阻回首望烟霞誰知慕儔侶飄然不

繫舟爲情自可求若奉西園夜浩想北園一作白雲愁
無因逐萍藻從爾泛清流

周若水

答江學士協

弱齡愛丘壑與子亟忘歸開襟對泉石携手翫芳
菲忽聞朝市變斯樂眇難追意氣酒中改容顏鏡
裏衰邗寒傷暮節落景促餘暉野曠蓬常轉林遙
鳥倦飛故友輕金玉萬里嗣音微鄉關不可望客
淚徒霑衣

薛昉

巢王座韻得餘詩

平臺愛賓客縫掖齒簪裾藉卉懷春暮開襟近夏
初嫩枝猶露鳥細藻欲藏魚舞袖臨飛閣歌聲出
綺疏莫慮歸衢晚馳輪待興餘

劉端

和初春宴東堂應令

睿賞叶春芳開筵臨畫堂庭梅飄早素簷柳變初
黃八珍羅玉俎九醞湛金觴箏響流飛閣歌塵落

言系
卷之八
妓行何必西園夜空承明月光

段君彥

過故鄴

玉馬芝蘭北金鳳鼓山東舊國千門廢荒壘四郊
通深潭直有菊澗井半生桐粉落粧樓毀塵飛歌
殿空雖臨玄武觀不識紫微宮年代俄成昔唯餘
風月同

李邕

奉和重適陽關

銜悲向玉關垂淚上瑤臺舞閣懸新網歌梁積故
埃紫庭生綠草丹墀染碧苔金屏晝常掩珠簾夜
暗開方池含水思芳樹結風哀行雨歸將絕朝雲
去不迴獨有西陵上松聲薄暮來

呂讓

和入京

俘囚經萬里憔悴度三春髮改河陽鬢衣餘京洛
塵鍾儀悲去楚隨會泣留秦旣謝平吳利終成失
路人

沈君道

侍皇太子宴應令

副君監撫暇禁苑暫停車
水落金沙淺雲高玉葉
疎隨厨白羽駕逐釣紫鱗
魚飽德良無已榮陪終
宴餘

魯本

與胡師耽同繫胡州出被刑獄中

叔夜絃初絕韓安灰未然
相悲不相見幽繫與幽
泉

劉夢予

送別秦王學士江益

南史江總長子益仕陳歷中書黃門侍郎

入隋為秦王文學

百年風月意一旦死生分
客心還送客悲我復悲
君

陸季覽

詠桐

音
搖落依空井生死尚餘心
不辭先入爨惟恨少知

鄭蜀賓

別詩

詩話
總龜

隋長壽年中有鄭州鄭蜀賓風流名士頗善五言蹉跎鄉閭不求聞達垂掛冠選授江左一尉臨去賓友祖餞至上東門留別曰云云酒酣自詠聲調哀蹙合坐嗚咽率於官時人比之劉庭芝

畏途方萬里生涯近百年不知將白首何處入黃

泉

按蜀賓唐武后時人長壽亦武后年號馮公誤加隋字收此

王謨

東海懸崖題詩

詩話
總龜

海州東海縣臨海懸崖上有隋王謨磨崖題名并詩云云

因巡來到此矚海看波流自茲一度往何日更回

眸

乙支文德

高麗人

遺于仲文

隋書曰于仲文從煬帝征遼東高麗出兵掩襲輜重仲文迴擊大破之至鴨綠水高麗將乙支文德詐降仲文捨之既去尋悔選騎追之每戰破賊文德貽詩曰

神策究天文妙算窮地理戰勝功既高知足願云

詩紀
卷之八
止

詩紀卷之一百二十八

隋九

僧法宣

續高僧傳云常州弘業寺沙門法宣本隋人後入唐

愛妾換馬

朱鬣飾金鑣紅妝束素腰似雲來蹊蹠如雪去飄
颻桃花含淺汗柳葉帶餘嬌騁先將獨立雙絕不

玉臺作難俱標

和趙郡王觀妓應教

律祖作辛德源者非

桂山留上客蘭室命媯妖城中畫眉黛室內束織

言糸
卷之九
腰舞袖風前舉歌聲扇後驕周郎不相顧今日管絃調

釋慧淨

俗姓房氏常山真定人著名於開皇大業之間後入唐

和琳法師初春法集之作

鷲嶺光前選祇園表昔恭哲人崇踵武弘道會群龍高座登蓮葉塵尾振霜松塵飛揚雅梵風度引疎鐘靜言澄義海叢論上詞鋒心虛道易合跡廣席難重和風動淑氣麗日啓時雍高才揆雅什顧已濫朋從因茲仰積善靈華庶可逢

和盧贊府遊紀國道場

日光通漢室星彩晦周朝法域從此構香閣本岩堯珠盤仰承露利鳳俯摩霄落照侵虛牖長虹拖跨橋高才暫騁目雲藻遂飄颻欲追千里驥終是謝連鑣

於冬日普光寺臥疾值雪簡諸舊遊

臥痾苦留滯闔戶望遙天寒雲舒復卷落雪斷還連凝華照書閣飛素婉琴絃迴飄洛神賦皎映齊紈篇縈階如鶴舞拂樹似花鮮徒賞豐年瑞沉憂

言系
終自憐

英才言聚賦得昇天行

馭風過閬苑控鶴下瀛洲欲採三芝秀先從千仞
遊駕鳳吟虛管乘槎泛淺流顏齡一已駐方驗大
椿秋

雜言

觀化祇山頂流睇古王城萬載池猶潔千年苑尚
清髣髴影堅路擢殘廣脇楹七寶仙臺亡舊迹四
彩天花絕雨聲聲華日以遠自恨生何晚既傷火

宅眩中門還嗟寶渚迷長坂步涉平郊望心遊七
海上擾擾三界溺邪津渾渾萬品忘真匠唯有能
仁獨圓悟廓塵靜浪開玄路創逢肌命棄身城更
爲求人崩意樹持囊畢契戒珠淨被甲要心忍衣
固三祇不倦陵二車一足忘勞超九數定漱江清
沐久結智劍霜凝斬新霧無邊大劫無不修六時
愍生遵六度度有流光功德收金河示滅歸常住
鶴林權唱演功周聖德佳音傳餘響龍宮秘典海
中探石室真言山處仰流教在茲辰傳芳代有人

言終
卷之九
三
沙河雪嶺迷朝徑巨海鴻崖亂夜津入萬死求一
生投鍼偶穴非同喻束馬懸車豈等程不徇金身
樂無祈後代榮誓舍危軀追勝義咸希畢契傳燈
情勞歌勿復陳延眺且周巡東睇女巒留二迹西
馳鹿苑去三輪北睨舍城池尚在南嶺尊嶺穴猶
存五峯秀百池分粲粲鮮花明四曜輝輝道樹鏡
三春揚錫指山阿携步上祇陀既覩如來疊衣石
復觀天授迸餘峨佇靈鎮梵嶽凝思遍生河金花
逸掌儀前奉芳蓋陵虛殿後過旋遶徑行砌目想

如神契迴斯少福澗生津共會龍華捨塵翳

釋智炫

益州成都人少出家入京聽學遊於周齊之間周武帝接遇甚厚及隋文作相大弘佛法兩都歸趨一人而已後還蜀隱於三學山年百餘歲終

遊三學山

秀嶺接重烟嶽岑上半天絕巖低更舉危峰斷復
連側石傾斜澗回流瀉曲泉野紅知草凍春來鳥
自傳樹錦無機織猿鳴詎假絃葉密風難度枝疎
影易穿抱表依閑沼策杖戲荒田遊心清漢表置
想白雲邊榮名非我願息意且蕭然

言系
卷之九
四
釋曇遷

見禪藻集

緇素知友祖道新林去留哀感賦詩一首
平生本胡越閩吳各異津聯翩一傾蓋便作法城
親清談解煩累愁眉始得伸今朝忽分手恨失眠
中人子向徑何道慧業日當新我住邗江側終爲
松下塵沉浮從此隔無復更有因此別終天別迸
淚忽霑巾

釋玄達

見禪藻集

言離廣府還望桂林去留愴然自述贈懷

標心之梵宇運想入仙洲嬰痼乖同好沉情阻若
抽葉落乍難聚情離不可收何日乘杯至詳觀演
去流

戲擬四愁聊題兩絕

我行之數萬愁緒百重思那教六尺影獨步五天
曆

二

上將可陵師足士志難移如論惜短命何得滿長
祇

釋靈裕

俗姓趙定州曲陽人有道行甚為齊文宣隋文帝之所尊禮而清貞潔已屢謝

時榮初居相州大慈寺末又住演空寺大業元年終

臨終詩二首

續高僧傳曰於時鄴下昌言裕師將過世矣道俗雲合同稟歸戒訪傳音之無從裕亦信福命之有盡乃示誨善惡勵諸門人從覺不念至第七日援筆製詩

二首

哀速終

今日坐高堂明朝臥長棘一生聊已竟來報將何

息

悲永殯

命斷辭人路骸送鬼門前從今一別後更會幾何

年

釋智命

俗名鄭頰榮陽人初仕隋為羽騎尉逃官流俗備歷講會及元德作貳楊素薦

之遷為中舍人越王即位歷官御史大夫偽鄭開明連任不改頰見四方多事頻請鄭主為國修道不遂乃剃髮法服擊錫徑至宮門云鄭頰輒已出家世克怒勅下斬之頰聞喜曰吾願滿矣臨刑遍禮十方口詠般若索筆題詩云

臨終詩

幻生還幻滅大幻莫過身安心自有處求人無有

言
人

釋智才

送別

鏡中辭舊識
灞岸別新知
年來未應老
祇為數經離

曇延

戲題方圓動靜四字

薛居士訪戲題方圓動靜四字曇延應聲曰

方如方等城
圓如智慧日
動則識波浪
靜類涅槃

室

沸大 見禪藻集

媯泐曲 沸大作此曲彈琴以兆史見也

煌煌鬱金生于野田
過時不採宛見棄捐
曼爾豐熾華色惟新
與我同歡

委靡辭

宿心嘉爾故固良媒
問名諧帥占相良時
慘慘惕惕懼爾不來
既覩爾顏我心怡怡
今不合歡豈徒費哉
斯誓為定淑女何疑

釋慧輪 新羅人

悼歎

衆美乃羅列群英已古今也知生死分那得不傷心

釋慧英

一三五七九言

遊愁赤縣遠丹思抽鷲嶺寒風駛龍河激水流既喜朝聞日復日不覺年頽秋更秋已畢耆山本願誠難住終望持經振錫往神州

無名釋

生忍頌 禪藻集作無名氏

玄亮吐清氣神響徹幽壑登基發春詠高興希避蹤乘虛感靈覺魚山振思童摹寫天歌梵奠布法音同忘高故不下颿颿數仞中比丘歌聲咀人畜振心鍾斯由暢玄句即感寫遊空神期發筌悟豁爾靈通 法苑珠林曰陳思王曹植幼合珪璋每誦佛經流連嗟玩嘗遊魚山忽聆空中梵天之響清雅哀婉乃摹其聲節寫為梵唄世之諷誦咸憲章焉此誦所謂魚山振思童也

順益頌 禪藻集云釋無名

騾驥資鞭策蘭蕙佇薰風至理信難見非人孰可
通輪心仰圓極瑩麗入玄中總轡超三有搏飛上
四空簪纓猶幻夢財利若塵蒙高揖謝時俗瀟灑
出樊籠

禪暇

禪藻集作
無名釋

峩峩王舍城鬱鬱靈竹園中有神化長巧誘入幽
玄善人募授福惡友樂讐怨善惡昇沉異薰蕕別
露門

侯夫人

煬帝
宮女

自傷

迷樓記曰煬帝建迷樓選後宮女數千以居
其中由是後宮多不得進御宮女侯夫人有
美色一日縊於棟下臂繫囊囊中有文左
右取以進帝覽其詩反覆傷感厚禮葬之

初入承明日深深報未央長門七八載無復見君
王春寒入骨清獨臥愁空房颯履步庭下幽懷空
感傷平日親愛惜自待却非常色美反成棄命薄
何可量君恩實疎遠妾意徒彷徨家豈無骨肉偏
親老北堂此身無羽翼何計出高墻性命誠所重
棄割良可傷懸帛朱棟上肝腸如沸湯引頸又自

詩經 卷之九 九
惜有若絲牽腸毅然就地死從此歸冥鄉

妝成

妝成多自惜夢好却成悲不及楊花意春來到處
飛

自遣

祕洞扃仙卉雕房鎖玉人毛君真可戮不肯寫昭
君

自感三首

庭絕玉輦迹芳草漸成窠隱隱聞簫鼓君恩何處

多

欲泣不成淚悲來翻強歌庭花方爛熳無計柰春
何

春陰正無際獨步意如何不及閒花草翻承雨露
多

看梅二首

砌雪無消日捲簾時自顰庭梅對我有憐意先露
枝頭一點春

香清寒艷好誰惜是天真玉梅謝後陽和至散與

詩經 卷之九
群芳自在春

吳絳仙

煬帝宮女

謝賜合歡果

隋遺錄曰殿脚女自至廣陵悉用備月觀行宮由是絳仙不得親侍寢殿有郎將獻合歡水果一器帝命小黃門以一雙騎馳賜絳仙遇馬急搖解絳仙拜賜因附紅箋小簡上進詩云云帝省章不悅顧黃門曰絳仙如何來辭何怨之深也黃門言其故帝曰絳仙不獨貌可觀詩意深切何謝左貴嬪乎

驛騎馳雙果君王寵念深寧知辭帝里無復合歡

心

大義公主

書屏風

盛衰等朝露世道若浮萍榮華實難守池臺終自平富貴今何在空事寫丹青杯酒恒無樂絃歌詎有聲余本皇家子飄流入虜庭一朝覩成敗懷抱忽縱橫古來共如此非我獨申名惟有明君曲偏傷遠嫁情

丁六娘

十索四首

樂苑曰十索
羽調曲也

裙裁孔雀羅紅綠相叅對映以蛟龍錦分明奇可愛麤細君自知從郎索衣帶

為性愛風光偏憎良夜促曼眼腕中嬌相看無厭足懽情不耐眠從郎索花燭

君言花勝人人今去花近寄語落花風莫吹花落盡欲作勝花妝從郎索紅粉

二八好容顏非意得相關逢桑欲採折尋枝倒嬾攀欲呈纖纖手從郎索指環

同前二首

樂府作無名氏選詩
拾遺併作丁六娘

含嬌不自轉送眼勞相望無那關情伴共入同心

帳欲防人眼多從郎索錦障

蘭房下翠帷蓮帳舒鴛錦懽情宜早暢密意須同寢欲共作纏綿從郎索花枕

李月素

贈情人

感郎千金意含嬌抱郎宿試作帷中音羞開燈前

目

羅愛愛

魚雁千閨思 會歡此頃前 海於動中官 雲開翠面

幾當孤月夜 遙望七香車 羅帶因腰緩 金釵逐鬢

斜

秦玉鸞

蘭幕不憶情人

蘭幕蟲聲切 椒庭月影斜 可憐秦館女 不及洛陽

花

蘇蟬翼

因故人歸作

郎去何太速 郎來何太遲 欲借一樽酒 共叙十年

悲

張碧蘭

寄阮郎

郎如洛陽花 妾似武昌柳 兩地惜春風 何時一携

手

詩紀卷之一百二十八

詩紀

卷之九 隋

十三

詩紀卷之九百二十六

十

隋書樂志曰文帝開皇中詔牛弘姚察許

善心何妥

奏曰伏奉

儒彥研校是非定其去就取為一代正樂

詩紀卷之一百二十九

隋十

郊廟歌辭

牛弘等奉詔作

園丘歌八首

隋書樂志曰文帝開皇中詔牛弘姚察許
 善心何妥虞世基劉臻等詳定雅樂弘等
 奏曰伏奉明詔詳定雅樂博訪知音旁求
 儒彥研校是非定其去就取為一代正樂
 具在本司於是并撰歌辭三十首詔並令
 施行見行者皆停之其人間音樂流僻日
 久棄其舊體者並加禁約務存其本○牛
 弘傳曰開皇九年奉詔改定雅樂又作樂
 府歌辭撰定園丘五帝凱樂并議樂
 事按此則諸歌辭當為牛弘所作也

昭夏

降神

肅祭典協良辰具嘉薦俟皇臻禮方成樂已變感
靈心迴天睠闢華闕下乾宮乘精氣御祥風望燿
火通田燭膺介圭受瑄玉神之臨慶陰陰烟衢洞
宸路深善旣福德斯輔流鴻祚徧區宇

皇夏

皇帝升壇

於穆我后昭明有融道濟區域功格玄穹百神警
衛萬國承風仁深德厚信洽義豐明發思政勤憂
在躬鴻基惟永福祚長隆

登歌

德深禮大道高饗穆就陽斯恭陟配惟肅血骨升
氣冕裘標服誠感清玄信陳史祝祗承靈貺載膺
多福

誠夏

皇帝初獻

摩裡崇祀式奉

一作大報

尊靈因高盡

一作就

敬掃地推

誠六宗隨兆五緯陪營雲和發韻孤竹揚聲

一作清

我粢旣絜我酌惟明元神是鑒百祿來成

文舞

皇帝旣獻奏

言終 卷之十
皇矣上帝受命自天睿圖作極文教遐宣四方監
觀萬國陶甄有苗斯格無得稱焉天地之經和樂
具舉休徵咸萃要荒式序正位履端秋霜春雨

需夏

皇帝飲
福酒

禮以恭事薦以饗時載清玄酒備絜薌其廻旋分
爵思媚軒墀惠均撤俎祥降受釐十倫以具百福
斯滋克昌厥德永祚鴻基

武舞

御曆膺期乘乾表則成功勘亂順時經國兵暢五
材武弘七德憬彼遐裔化行克塞三道備舉二儀
交泰情發自中義均莫大祀敬恭肅鍾鼓繁會萬
國斯歡兆民斯賴享茲介福康哉元首惠我無疆
天長地久

昭夏

送神

享序洽祀禮施神之駕儼將馳奔精驅長離耀牲
烟達絜誠照騰日馭鼓電鞭辭下土升上玄瞻寥
廓香無際愴群心留餘惠

五郊歌五首

隋書樂志曰五郊歌辭青郊奏角音赤郊郊奏徵音黃郊奏宮音白郊奏商音黑登

奏羽音迎送神歌與園丘同

震宮初動木德惟仁龍精戒旦鳥曆司春陽光煦
物溫風先導巖處載驚膏田已冒犧牲豐絜金石
和聲懷柔備禮明德惟馨

赤帝歌徵音

長羸開序炎上爲德執禮司萌持衡御國重離得
位芒種在時含櫻薦實木槿垂蕤慶賞旣行高明

可處順時立祭事昭福舉

黃帝歌宮音

爰稼作土順位稱坤孕金成德履艮爲尊黃本內
色宮實聲始萬物資生四時咸紀靈壇汎掃盛樂
高張威儀孔備福履無疆

白帝歌商音

西成肇節盛德在秋三農稍已九穀行收金氣肅
殺商威颺戾嚴風鼓莖繁霜隕蒂厲兵詰暴敕法
慎刑明神降嘏國步惟寧

黑帝歌羽音

玄英啓候冥陵初起虹藏於天雉化於水巖關重
閉星廻日窮黃鐘動律廣莫生風玄樽示本天產
惟質恩覃外區福流京

隋書
作景室

感帝歌

隋書樂志曰祀感帝奏誠
夏迎送神登歌與園丘同

誠夏

禘祖垂典郊天有章以孟之春於國之陽
誠陶匏斯尚人神接禮明幽交暢火靈降祚火曆

載隆烝哉帝道赫矣皇風

雩祭歌

隋書樂志曰雩祭蜡祭朝日夕月並
奏誠夏其迎送神登歌並與園丘同

誠夏

朱明啓候時載陽肅若舊典延五方嘉薦以陳盛
樂奏氣序和平資靈祐公田既雨私亦濡民殷俗
富政化敷

蜡祭歌

誠夏

四方有祀八蜡酬功收藏既畢榛葛送終使之必
報祭之斯索三時告勞一日爲澤神祇必來鱗羽
咸致惟義之盡惟仁之至年成物阜罷役息民皇
恩已洽靈慶無垠

朝日夕月歌二首

朝日誠夏

扶木上朝暎崑山沈暮景寒來遊畧促暑至馳輝
永時和合璧耀俗泰重輪明執圭盡昭事服冕罄
虔誠

夕月誠夏

澄輝燭地域流耀鏡天儀曆草隨弦長珠胎逐望
虧成形表蟾兔竊藥資王母西郊禮既成幽壇福
惟厚

方丘歌四首

隋書樂志曰祭方丘唯此四者異餘並同園丘

昭夏
迎神

柔功暢陰德昭陳瘞典盛玄郊篚寡清骨鬯馥皇
情虔具寮肅笙頌合鼓鼗會出桂旌屯虬蓋敬如

在肅有承神胥樂慶福膺

登歌

奠玉帛

道惟生育器乃包藏報功稱範殷薦有常六瑚已
饋五齊流香貴誠尚質敬洽義章神祚惟永帝業
增昌

誠夏

初獻

厚載垂德崑丘主神陰壇吉禮北至良辰鑿水呈
絜牲栗表純樽壺夕啓幣玉朝陳群望咸秩精靈
畢臻祚流於國祉被於人

昭夏

奠既徹獻已周竦靈駕逝遠遊洞四極而九縣慶
方流祉恒遍埋玉氣掩牲芳晰神理顯國文

神州歌

隋書樂志曰祭神州祭社稷先農並奏誠夏其迎送神登歌並與方丘同

誠夏

四海之內一和之壤地曰神州物賴生長咸池既
降泰圻斯饗牲牲尚黑珪玉寔兩九寓載寧神功
克廣

社稷歌四首

春祈社誠夏

厚地開靈方壇崇祀達以風露樹之松梓勾萌既
申芟柞伊始恭祈粢盛載膺休祉

春祈稷誠夏

粒食興教播厥有先尊神致絜報本惟虔瞻榆束
耒望杏開田方憑戩福佇詠豐年

秋報社誠夏

北墉申禮單出表誠豐犧入薦華樂在庭原隰旣

平泉流又清如雲已望高廩斯盈

秋報稷誠夏

民天務急農亦勤止或藁或穠惟薑惟芑涼風戒
時歲云秋矣物成則報功施必祀

先農歌

誠夏

農祥晨晰土膏初起春原俶載青壇致祀歛蹕長
阡迴旌外壝房俎飾薦山壘沈滓親事朱絃躬持
黛耜恭神務穡受禧降祉

言系
卷之十
先聖先師歌

誠夏

經國立訓學重教先三墳肇冊五典留篇開鑿理
著陶鑄功宣東膠西序春誦夏弦芳塵載仰祀典
無騫

太廟樂歌九首

迎神歌

務本典教尊神體國霜露感心享祀陳則官聯式
序奔走在庭几筵結慕裸獻惟誠嘉樂載合神其

降止永言保之錫以繁祉

登歌

孝熙嚴祖師象敬宗惟皇肅肅有來雍雍雕梁霞
複繡椽雲重觀德自感奉璋伊恭彝竚盡飾羽綴
有容升歌發藻景福來從

俎入歌

郊丘廟社同

祭本用初祀由功舉駿奔感會供神有序明酌盈
樽豐犧實俎幽金旣薦績錯維旅享由明德香非
稷黍載流嘉慶克固鴻緒

皇高祖大原府君神室歌

締基發祥肇源典慶迺仁迺哲克明克令庸宣國
圖善流人詠開我皇業七百同盛

皇曾祖康王神室歌

皇條俊茂帝系靈長豐功疊軌厚利重光福由善
積代以德彰嚴恭盡禮永錫無疆

皇祖獻王神室歌

盛才必達丕基增舊涉渭同符遷邠等構弘風邁
德義高道富神鑒孔昭王猷克懋

皇考太祖武元皇帝神室歌

深仁冥著至道潛敷皇矣太祖耀名天衢翦商隆
祚奄宅隋區有命旣集誕開靈符

飲福酒歌

郊丘廟社同用

神道正直祀事有融肅雍備禮莊敬在躬羞燔已
具奠酌將終降祥惟永受福無窮

送神歌

饗禮具利事成佇旒冕肅簪纓金奏終玉俎撤盡
孝敬窮嚴絜人祇分哀樂半降景福憑幽贊

燕射歌辭

元會大饗歌十一首

皇夏

皇帝出入殿庭奏郊丘廟社並同

深哉皇度粹矣天儀司陞整蹕式道先馳八屯霧
擁七萃雲披退揚進揖步矩行規句陳乍轉華蓋
徐移羽旗照耀珪組陸離居高念下處安思危照
臨有度紀律無虧

肆夏

太子出入

惟熙帝載式固王猷體乾建本是曰孟侯馳道美

漢寢門稱周德心既廣道業惟優傳保斯導賢才
與遊瑜玉發響畫輪停輶皇基方峻七鬯恒休

食舉歌

八曲

燔黍設教禮之始五味相資火為紀平心和德在
甘旨牢羞既陳鍾石俟以斯而御揚盛軌
養身必敬禮食昭時和歲阜庶物饒鹽梅既濟鼎
鉉調特以膚腊加臠臠威儀濟濟懋皇朝
饗人進羞樂侑作川潛之膾雲飛臠甘酸有宜芬
勺藥金敦玉豆盛交錯御鼓既聲安以樂

言紀 卷之十 十一
玉食惟后膳必珍芳菰既絜重秬新是能安體又
調神荆包畢至海貢陳用之有節德無垠
嘉羞入饋猶化謐沃土名滋帝臺實陽華之菜雕
凌栗鼎俎芬芳豆籩溢通幽致遠車書一
道高物備食多方山膚既善水豢良栢蒲在位箕
業張加籩折俎爛成行恩風下濟道化光
禮以安國仁爲政具物必陳饗牢盛且采斤斧順
時令懷生熙熙皆得性於茲宴喜流嘉慶
皇道四達禮樂成臨朝日舉表時平甘芳既飫醕

以清揚休玉卮正性情隆我帝載永明明

上壽歌

俗已乂時又良朝玉帛會衣裳基同北辰久壽共
南山長黎元鼓腹樂未央

宴群臣登歌

皇明馭曆仁深海縣載擇良辰式陳高宴顒顒卿
士昂昂侯甸車旗煜爚衣纓葱蒨樂正展懸司宮
飾殿三揖稱禮九賓爲傳圓鼎臨碑方壺在百鹿
鳴成曲嘉魚入薦筐篚相輝獻酌交徧飲和飽德

恩風長扇

皇后房內歌

隋書樂志曰高祖龍潛時頗好音樂嘗倚琵琶作歌二章名曰地厚天高託言夫婦之儀牛弘修皇后房內之樂因取之為房內曲命婦人并登歌上壽並用之

至順垂典正內弘風母儀萬國訓範六宮求賢啓

化進善宣功家邦載序道業斯融

大射登歌

道謚金科照時又玉條明優賢饗禮洽選德射儀成鑿旗鬱雲動寶軌儼天行中車整三乏司裘飾

五正鳴球響高殿華鍾震廣庭烏號傳昔美淇衛著前名揖讓皆時傑升降盡朝英附枝觀體定杯水覩心平豐觚既來去燔炙復縱橫欣看禮樂盛喜遇黃河清

鼓吹曲辭

凱樂歌辭三首

述帝德

於穆我后睿哲欽明膺天之命載育群生開元創曆邁德垂聲朝宗萬寓祇事百靈煥乎皇道昭哉

帝則惠政滂流仁風四塞淮海未賓江湖背德運
籌必勝濯征斯克八荒霧卷四表雲塞雄圖盛畧
邁後光前寰區已泰福祚方延長歌凱樂天子萬
年

述諸軍用命

帝德遠覃天維宏布功高雲天聲隆韶濩惟彼海
隅未從王度皇赫斯怒元戎啓路桓桓猛將赳赳
英謨攻如燎髮戰似摧枯救茲塗炭克彼一作妖
邁塵清兩越氣靜三吳鯨鯢已夷封疆載闢班馬

蕭蕭歸旌奕奕雲臺表効司勳紀績業竝山河道
固金石

述天下太平

阪泉軒德丹浦堯勲始實以武終乃以文嘉樂聖
主大哉爲君出師命將廓定重氛書軌旣并干戈
是戢弘風設教政成入立禮樂聿興衣裳載緝風
雲自美嘉祥爰集皇皇聖政穆穆神猷牢籠虞夏
度越姬劉日月比耀天地同休永清四海長帝九
州

言部
卷之十
舞曲歌辭

文武舞歌二首

隋書樂志曰隋有文舞武舞舞各六十四人又依樂記象德擬功初來就位摠干而立思君道之難也發揚蹈厲威而不殘也舞亂皆坐四海咸安也武始而受命再成而定山東三成而平蜀道四成而北狄是通五成而江南是拓六成復綴以闡太平

文舞歌

天睠有屬后德惟明君臨萬寓昭事百靈濯以江漢樹之風聲罄地畢歸窮天皆至六戎仰朔八蠻請吏煙雲獻彩龜龍表異緝和禮樂燮理陰陽功

由舞見德以歌彰兩儀同大日月齊光

武舞歌

惟皇御寓惟帝乘乾五材竝用七德兼宣平暴夷險拯溺救燔九域載安兆庶斯賴續地之厚補天之大聲隆有截化覃無外鼓鍾既奮干戚攸陳功高德重政謚化淳鴻休永播久而彌新

雜歌謠辭

無名氏

枯樹歌

北史曰王劭隋文帝時爲著作郎上表言符命曰陳留老子祠有枯栢世傳云

老子將度世云待枯栢生東南枝迴指當有聖人出吾道復行至齊枯栢從下生枝東南上指夜有三童子相與歌曰云云及至尊牧亳州親至祠樹之下自是栢枝回抱其枯枝漸指西北道教果行考校衆事太平主出於亳州陳留之地皆如所言

老子廟前古枯樹東南枝隋書作狀如繖聖主從此去

長白山歌

北史曰來整榮國公護見之子也尤驍勇善撫御討擊群賊所向皆捷諸賊歌之

長白山頭百戰場十五五把長鎗不畏官軍十

一作萬衆只怕榮公第六郎

煬帝時并州童謠

北史曰漢王諒反為楊素所敗幽死先是童謠曰云云時偽署官告身皆一紙別授則二紙諒聞謠喜曰我幼字阿客量與諒同音吾於皇家最小以為應之

一張紙兩張紙客量小兒作天子

大業中童謠

隋書五行志曰煬帝大業中童謠其後李密坐楊玄感之逆為吏所拘在路逃叛潛結群盜自陽城山而來襲破洛口倉後復屯兵苑內莫浪語密也宇文化及自號許國尋亦破滅誰道許者蓋驚疑之辭也

詩經 卷之十 十六
桃李子鴻鵠遶陽山宛轉花林裏莫浪語誰道許

長安謠

北史曰崔弘度隋仁壽中為太府卿性嚴酷官屬百工莫敢欺隱時有屈突蓋為武侯車騎亦嚴刻長安為之語曰

寧飲三斗醋不見崔弘度寧炙三斗艾不逢屈突

蓋

樊安定歌

隋書曰樊叔略陳留人仕周封清鄉縣公隋受禪進爵安定郡公相州刺史政為當時第一百

智無窮清卿公上下正樊安定

崔李歌

隋書曰武城崔儵與頓丘李若俱見稱重時人為之語曰○齊人後入隋

京師灼灼崔儵李若

送別詩

楊柳青青着地垂楊花漫漫攬天飛柳條折盡花

飛盡借問行人歸不歸

崔瓊東虛記云此詩作於大業末年實指煬帝巡遊

無度縉紳瘁况已甚下逮閭閻而侯人曲土播弄威福欺君上以取榮貴上二句盡之又謂民財窮窘至是方有五子之歌之憂而望其返國也

詩已

卷之十 隋

挽舟者歌

海山記曰煬帝御龍舟夜半聞歌者甚悲帝遣人求之不得

我兒征遼東餓死青山下
今我挽龍舟又困隋隄
道方今天下饑路糧無些
小前去三十程此身安
可保寒骨枕荒沙幽魂泣
烟草悲損門內妻望斷
吾家老安得義勇兒爛此
無主屍引其孤魂回負
其白骨歸

詩紀卷之一百二十九

隋附錄第一

北海馮惟訥彙編

樂府失載名氏

陌上桑

日出秦樓明條垂露尚盈蠶
饑心自急開奩妝不成

出塞

候騎出甘泉奔命入居延
旗作浮雲影陣如明月
弦

王昭君

猗蘭恩寵歇
昭陽幸御稀
朝辭漢闕去
夕見胡塵
飛寄言秦樓下
因書秋鴈歸

陽春曲

茅苜生前逕
含桃落小園
春心自搖蕩
百舌更多言

項王歌

無復拔山力
誰論蓋世才
欲知漢騎滿
但聽楚歌
哀悲看騅馬去
泣望艤舟來

于闐採花

于闐古于闐國居葱嶺北二百餘里漢唐以來皆入貢

山川雖異所草木尚同
春亦如溱洧地自有採花人

沐浴子

澡身經蘭汜
濯髮儵芳洲
折榮聊躑躅
攀桂且淹留

澤雉

古今樂錄曰鳳將雉以澤雉送曲

擅塲延繡頸
朝飛弄綺翼
飲啄常自在
驚雄恒不息

夜夜曲

愁人夜獨傷滅燭卧蘭房祗恐多情月旋來照妾
牀

舍利佛

金繩界寶地珍木蔭瑤池雲間妙音奏天際法蠶
吹

摩多樓子

從戎向邊北遠行醉密親借問陰山候還知塞上
人

鷄鳴歌

樂府廣題曰漢有雞鳴衛士主雞唱宮外
舊儀宮中與臺並不得畜雞晝漏盡夜漏
起中黃門持五夜甲夜畢傳乙乙夜畢傳
丙丙夜畢傳丁丁夜畢傳戊戊夜是為五
更未明三刻雞鳴衛士起唱漢書曰高帝
圍項羽垓下羽是夜聞漢軍四面皆楚歌
應劭曰楚歌者雞鳴歌也晉太康地記曰
後漢固始銅陽公安細陽四縣衛士習此
曲於關下歌之今雞鳴歌也然則此歌蓋
漢歌也按周禮雞人掌大祭祀夜嘑旦以
器百官則所
起亦遠矣

東方欲明星爛爛汝南晨鷄登壇喚曲終漏盡嚴
具陳月沒星稀天下旦千門萬戶遞魚鑰宮中城

上飛鳥鵲

黃門倡歌

漢書禮樂志曰成帝時鄭聲尤甚黃門名倡丙彊景武之屬富顯於世隋書樂志曰漢樂有黃門鼓吹天子宴羣臣之所用也

佳人俱絕世握手春樓點黛方初月縫裙學石

榴君王入朝罷爭競理衣裳

歎疆場

此下三首考樂府前後皆唐人之詩或唐作也

樂苑曰歎疆場宮調曲也

聞道行人至妝梳對鏡臺淚痕猶尚在笑靨自然

開

塞姑

昨日盧梅塞口整見諸人鎮守都護三年不歸折

盡江邊楊柳

回紇曲

樂苑曰回紇商調曲也

陰山瀚海使難通幽閨少婦罷裁縫緬想邊庭征戰苦誰能對鏡冶愁容久戍人將老須臾變作白

頭翁

第五句闕二字

詩已

卷之二

隋附錄

其有

其有

其有

其有

其有

其有

其有

隋附錄第一



